



六部別集類

總目卷百六十九

明孫養賢撰  
人順德



四庫全書

明葉初春刊本

刻西菴先生詩集序



西菴孫心  
生者嶺南之豪傑也  
其行實不載本傳其詩見五先生集中業已行于世矣此後梓之者表其遺也亦以重其本也夫山必有自崑崙生焉水必有源星宿出焉先生詩為嶺南終祖文人學士至今宗之固山

崑崙水之星宿也可使其泯滅  
弗傳耶古吳葉處元甫令順  
六年文章政事卓然可紀  
意于表章袁先生所遺佚  
詩歌行五七言律諸體合而  
之乃屬心于余謂余職在旬  
有古采詩觀風之責幽而闡  
善而揚之政之經也余其何辭

竊嘗論之先生非獨其詩豔也  
其行誼蓋有足多者方先生避  
亂山中也廖平章將其軍南下  
勢若建瓴然先生歸歛一書為  
南海請命率賴以全元元此與  
魯仲連射書聊城事何異迨先  
生既登第也由虹簿選入翰林  
為典籍諸所奏對悉當

聖祖意即宋潛溪自以爲弗及  
此其敏捷之才當不在詹樂諸  
公下其推讓之也固宜藉令又  
于翰苑得大柄用出其文章以  
黼黻

皇猷潤色

國史蕭曹丙魏奚足稱勲碩監  
祀未幾即求外補佐平原幕東

吳郡功業僅寥寥焉尋以謫戍  
罷歸竟罹黨禍齎志以歿不大  
可哀哉先生博極群書所著作  
甚富惜零落不存余閱通誌讀  
祭竈文輒低回久之因嘆世之  
棄才何限也茲并論著于篇見  
先生之所以可傳者不獨以詩  
已也因授而爲之序皆

萬曆丁亥歲仲秋吉日華亭蔡  
汝賢書

西菴孫先生傳

孫蕢字仲衍南海之平步人也性敏邁資表秀  
偉於書無所不讀爲詩文多不屬藁開卷伸紙  
立筆而就初若不甚經意而氣象雄渾興喻深  
致駸駸乎魏晉之風自少負節槩不妄交畊夫  
販婦望而目之曰孫先生元季避亂山澤間東  
莞何真保有南海洪武改元戊申征南將軍廖  
永忠至真求蕢作書請歸附曲盡誠款永忠不  
戮一人而南海帖然者蕢之力也永忠尋徵蕢  
典郡教三年庚戌始詔天下設科取士蕢以詩

孫國奇集 卷之二  
經中高選會試中書入對

大廷皆在前列賜進士出身授工部織染局使尋  
出主虹縣簿時經兵燹十室九空加意勞來民  
還其業甫一載被選入爲翰林典籍學士宋濂  
樂韶鳳承旨詹同亟稱許之日侍 上左右奏  
對敏便而容觀飄逸濂輩皆自以爲莫及八年  
預脩洪武正韻九年以奉常之節監祀于西川  
居翰林三載復外補平原簿無何以事逮繫有  
旨輸左校板築蕭牆望都門謳唸爲粵聲督工者  
以聞召至 上前陳所作詩皆忠愛語特命釋

之十一年罷歸田里放迹雲林中益肆力於問  
學所見益深有輕死生齊物我之意嘗和陶潛  
歸去來辭以寫其情其一曰懷靈荃志不忘君  
也十五年被 召拜蘇州府經歷蘇東吳劇郡  
元季爲張士誠所據歸附之初素號難治菁贊  
畫有方政用太和二十二年以事謫戍遼東怡  
然就道酌酒賦詩無異平日時都帥梅思祖節  
鎮三韓素聞菁名迎置家塾是年竟以黨禍見  
殺人皆勸其以疏自明菁不答歌一詩長嘯以  
就刑天下寃之年五十有六門人黎貞時亦在

成奉樞葬于安山之陽蕢平生譔述甚富有通鑑前編綱目七卷孝經集善一卷理學訓蒙一卷西菴集八卷和陶集一卷集古律詩一卷傳于學者孝經集則宋濂爲之序焉蕢既沒諸書多零落弗存其詩文今行世者爲黎貞所編番禺趙絢作蕢傳稱其究極天人性命之理濂洛關閩之學爲嶺表儒宗歷仕雖不甚顯而所至有聲出處窮達夷險一致云

廣州人物  
傳黃佐撰

傳

孫蕢者平步人也字仲衍性敏警表儀秀偉於書無所不窺詩文多不屬草援筆而就初若不經思而雄渾深致駸駸乎魏晉矣少負節槩不妄交農夫販婦望而目之曰孫先生元季避亂山澤間東莞何真保有南海洪武改元征南將軍廖永忠至蕢爲真作書請降永忠不戮一人而南海晏然者蕢之力也永忠尋徵蕢典郡庠三年庚戌始詔天下設科取士蕢舉于鄉授工部織染局使主簿虹縣時經兵燹室十九空

勞來安輯一載典籍翰林學士宋濂樂韶鳳承  
旨詹同甚重之日侍上奏對便給容觀飄灑  
瀟葦皆自以爲莫及也八年同脩洪武正韻九  
年以奉常之節監祀于西川居翰林三載力求  
補外主簿平原無何逮繫輸左校築墻望都門  
謳吟爲粵聲植者以聞召至陳詩語忠愛釋  
之十一年罷歸田里十五年召拜蘇州府經  
歷二十二年謫戍遼東都帥梅思祖節鎮三韓  
素聞蕢迎居家塾是年竟罹黨禍長歌就刑天  
下寃之門人黎貞時亦在戍收其骸葬于安山

蕢所著有通鑑前編綱目孝經集善理學訓蒙  
西菴集和陶集集古律詩其孝經集善濂所序  
也蕢沒諸書散逸惟黎貞所編詩文行于世李  
承箕曰嗚呼死生榮辱當得不得不當得得之  
自古及今豈少也蕢死何惜哉傳者論蕢究天  
人性命之理濂洛關閩之學蕢書散逸無可考  
意其風采似禰衡而器量或過之與

撰

順德人物  
傳葉春反

西菴集目錄

卷之一

五言古

雜詩 六首

南園

南園夏日飲酬王趙二公子澄佐

溪山小隱

道上作

期羅浮蕭鍊師至

寄琪琳黃道士

崖山有感

安期昇仙臺

夏目

過蒲欄寺後  
二巖觀菖蒲

寄琪琳黃道士墨竹

寄關大舉隱士

西郊秋日

南園懷李仲脩

贈從弟 三首

贈留隱士中羨

北上

別弟

別鄰

別友

別內

代友贈別

代內贈別

寄王給事佐

寄鄭進士毅德宏

車駕遊天界寺 應制

朝回呈諸閣老

贄翰林宋先生 老諾

翰後蕭墻

治縣事作

送王給事南還

還山行

擬古

行行重行行

青青河畔草

青青原上栢

今日良宴會

西北有高樓

涉江采芙蓉

明月皎夜光

冉冉孤生竹

庭中有奇樹

迢迢牽牛星

回車駕言邁

東城高且長

驅車上東門

去者日以疎

生年不滿百

凜凜歲云暮

孟冬寒氣至

客從遠方來

明月何皎皎

卷之二

樂府

將進酒 紫駟馬 烏夜啼 望行人

長相思 飲馬長城窟行 行路難

白頭吟 昭君歎 湘妃曲 阿嬌怨

班姬怨 烏孫公主歌 白紵四時詞四首

團扇詞 梁父吟 桂劍臺 銅雀臺

楊白花 休洗紅 蔣陵兒 苦寒行

鞠歌行 傷哉行 懊惱曲 長安篇

上京行 採蓮曲 短歌行 長歌行

古意首二 秋風詞三首并序 南浦曲

橫塘曲 春愁曲 春開曲 游絲曲

落花曲 木葉曲 蓮花曲 葵花曲

鴛鴦篇 織婦詞 古鏡詞 漁父詞

樵父詞 田家歎 耕父詞 耕牛詞

牧羊詞 射雉詞 射虎詞 採菱曲

石榴詞 採蓮詞 蠶婦詞 貧女嘆

卷之三

歌行

南園歌

贈王給事彦舉

廣州歌

草書歌贈顏景明

羅浮歌寄洛陽李長史仲倫

智空和尚種松歌

題皇甫文遠所藏左司郎中堵炳山水歌

南京行

虹縣行

平原行

平原田家行

驪山老妓行補唐天寶遺事戲效白樂天作

高昌老翁行

碌碌行寄保昌縣丞童豫

湖州樂

雲南樂

卷之四

七言古體

閨中聞子規

晚發英德

贈端孝思

贈高彬

送何三元帥上

題昭陽草堂丞謝英賦

題高彬白雲手卷

會鄉友

送張仲庸歸陝西

送高文質遊杭州

異橘圖

白雲山

桑梓圖為左布政徐本賦

題石城秋歸圖送人

西塘為姑蘇君題

贈皇甫隱士文遠

題黃萬戶德清圖

贈關元帥景熙

戲贈端孝思

送何都閩至濟南省親

送友自餘杭歸福 代內贈別二首

往平原別高彬 寄訶林張老明靜照

寄羅都事文章 送都大尹

贈虹縣顏景明 送虹縣尹陳景明

送翰林典籍張敏行之官西上 送崔振宗

捕魚圖 過隋宮故址

題堵法曹文明所畫匡廬圖

次李陽河 阻風雷港

次武昌 題錢叔昂瀟湘圖

武昌別魯侍儀舍人文濬

次歸州 過瞿塘

贈成都畫者徐璠 鹽井

發忠州 下瞿塘

桂巖題王昌泰卷

題四川都府照磨陳庭學小蘭雪軒

題綿州同知曾係古雪卷

題張侍儀貞白獨冷軒

題葉夷仲瞻雲軒 題唐侍儀隹鯉軒

題孫典伏可居軒

題荆徵士茂之藏楊補之梅花圖

題蘇明遠畫竹圖 題楊肇初墨菊圖

題袁清溪所藏雪夜泛舟圖

題廉徵士夢雪舟 題陳隱君菊莊卷後

題唐仙方伎圖布政徐本所藏

題桃源圖

卷之五

五言律

雨中寄友

山中寫懷

光孝寺

酬王道原

過東阿懷雪蓬

荔灣漁隱

五言排律

翠筠軒為源上座題

七言律

南山雜詠

峽山寺 三首

遊羅浮 三首

拜祖墓

重過林氏別業

題海翁詩卷後

靈洲

秋江送別

送趙宣使之德慶

鍾山應制

新春從幸天界寺次詹冢宰鍾山應制韻

駕遊鍾山應制

駕幸天界寺 和朱太史韻

陪翰林宋承旨遊鍾山訶林送趙生留南歸

寄趙進士安中送張典籍訥之官大

奉太史令護軍公投贈山東何方伯首

送張翰林孟廉赴山奉酬劉友賢黎仲輝

寄彭萬里給事時參送沈主事起復除西

寄羅友章先生圓丘大祀

寄黃負外文博時佐送劉芳之入蜀

餞宋承旨潛溪先生致仕歸金華五首

贈脩撰道夫西樵

懷脩撰朱備萬冬至

乙卯除夕鳳凰臺

再遊鍾山懷舊遊寄李士行

寄高彬送蔡九節還南安

春興寄端方故居送人還鄉

西巖圖為嚴彥恭懷白雲山房

除夜

卷之六

七言律

之官平原留別諸別妓

江上金山寺

送牛應祥都闈

高郵

秋風二首

虹縣九日登三五散冢

淮上憶京

清河口

圯上懷古

過三洪

過呂梁

帝子

徐州洪二首

漢祖廟

歌風臺

戲馬臺

范增墓

過黃石公祠

過高唐

客平原春日有懷

宿高彬第

挽夏尚書

送陳御史孟陽之官三河

贈楊主簿時為金銀

古河

出關

冬至

思家

南昌鐵柱觀

十八灘

寄高彬二首

采石太白墓

次黃州

望廬山二首

至儲潭廟留題

過岳州

巫峽秋懷三首

懷四川二首

懷羅浮寄蕭鍊師

訪單孟雄不遇

曾氏耆壽翁詩

懷萬脩撰謫

遼東二首

奉寄文淵學士吳公

懷朱太史弆宋

瑤人

懷揭孟固

懷碧虛觀寄止菴蕭鍊師

四首

思家古河

悶興

觀海

戍遼渡海

二首

渡海呈同遊

沙門島

三首

與謝縣丞坡山聯句

送董文啓出宰

江

挽李樵雲

卷之七

七言絕句

紅菊

墨菊

紅梅

墨竹

王孫圖

二首一打鳥

宣和樹

析枝桃花圖

桃花白練

楊妃出浴

楊太真對鏡圖

村姬牛圖

梨園按樂

昭君

五首

題葡萄

雜畫

十首

四皓圖

畫梅

四首

梅

松

嘗草圖

舞馬圖

送翰林宋先生致仕歸金華 二十五首

寄高彬 寄王彥舉

寓居傳小樓懷成以 臨清題壁

憶得四首 龍江夜泊

過楊州 下邳

呂梁洪 聊城

聊城見荷二首 武城

過荏平望嶧山 周公

范蠡 伍子胥

黃歇 荆軻

昭陵 符堅

二喬 赤壁

魏臺 姑蘇臺

靈巖寺 姑蘇開元寺

望九華山 過赤壁

過荊州 巫山

出蜀 次張仲舉詩韻四首

幽居雜詠七首 秋閨思四首

閨怨一百二十四首 訪其附馬不遇題碑 闕門書所見

五言絕句

臨刑口占

卷之八

七言集句

朝雲

琪琳夜宿聯句一百韻

卷之九

文

祭竈文

詞

飛仙歸來詞

和歸去來辭

關敏廟詞

目錄終

西菴集卷之一

明翰林典籍五羊孫蕡仲衍甫 著

姑蘇葉初春選 邑人曾仕鑑校

五言古

雜詩 六首

飄風振長薄夕日澹無輝良人久楚蜀今在沅水  
西別時春花發秋葉忽已飛無由通精神夢寐長  
相隨欲寄一尺書臨風久徘徊游鱗沒水曲征鴈  
杳雲涯哀猿常對吟凍鳥亦並棲居然獨處廓坐  
使恩愛違何能一會晤以慰悽惻懷

浮萍無根蒂泛泛江海間  
狂風簸巨浪漂泊何當  
還亦似離家客長年去鄉關  
莽莽涉萬里迢迢度  
千山沉憂損精魂遠道多苦顏  
無爲歌此詞惻愴  
傷肺肝

大堤有游女盛服佩鳴璫  
冶容麗皎日錦綺華若  
英含情采秋綠薄暮不盈筐  
問女何所思疊疊哀  
怨長夫君久離索杳邈江與湘  
寒涼入短褐波浪  
汎舟航芙蓉謝初夕巖桂亦已芳  
渺渺燕北歸飛  
飛鴈南翔風飄流塵起木落天  
兩霜俯視慚遊魚  
仰觀愧七襄此情君詎察懷玉空自傷

燦燦園中樹灼灼枝上花  
朝迎雲間日暮逐東逝  
波秦樓起荒煙鄭谷樓餘霞  
浮雲等霧露富貴烏  
足多

邊城亘長雲迢迢接沙漠  
時平宣威遠壯士從軍  
樂霜風朝出獵錦旆明揮霍  
營田懸兩狼都護挂  
雙貉前矛旌宛騎後勁吹  
羗角官勲四時轉征戰  
胡塵邈腐儒身計疎中夜思  
奮躍何能枚章甫從  
爾上麟閣

十月良家子從征上邊州  
明月照鏡匣北風吹馬  
頭少年有奇志思欲分國憂  
誰能學李廣百戰不

封侯

南園

詩社良讌集南園清夜遊條風振絡組華月照鳴  
騶高軒敞茂樹飛薨落遠洲移筵對白水列燭散  
林鳩雅興殊未央旨酒詠思柔玉華星光燦錦綵  
雲氣浮麗景不可虛衆賓起相酬長吟間劇飲楚  
舞雜齊謳陵陽杳僊駕韓衆非我酬聊爲徇時序  
娛樂忘百憂

南園夏日飲酬王趙二公子澄佐

郡城多暇日公子專幽尋招携無俗士歡宴盡華  
簪臨水釣遊魚凌風弋高禽南園當盛夏灑氣滌  
煩襟澍雨朝浥道流雲豁輕陰芙蓉被曲渚灌木  
秀窮林展席羅長筵美酒對坐斟交交黃鳥弄聒  
聒玄蛸吟歲時迤遷軒賢聖皆銷沉於時不痛飲  
負此芳賞心

溪山小隱

日出景更好流青入窓戶木落葉上霜泉添夜來  
雨策驢過石橋傍舟向沙渚遇此休禎期何須羨  
簪組

道上作

高林翳當道莽莽秋向深田風亂落木驕陽亦化  
霖我行泥塗中淒厲入我襟白日晦平陸玄雲生  
夕陰歸鳥靜不飛暝猿長哀吟感此時景邁况將  
陽月臨不怨行路難所嗟歲駸尋悲鳴激楚奏思  
苦調南音鍾儀久已死誰復知此心

期羅浮蕭鍊師不至

石室松桂秋涼風滌殘暑柴門敞空谷曠夕懷仙  
侶吹笙久不至鶴馭今何許朗月流清輝山中幾  
延佇

寄琪琳黃道士

雨絕天景佳前榮樹光綠遙憐採芝侶遠在春山  
曲琴歌久已斷酒賦何由續有約今夕同開樽掃  
茆屋

崖山有感

崖山峙海門迺宋沉國所雙龍如九淵義士赴疆  
虜妻子驅先淪焚香亦何補我來吊忠魂但見浪  
花舞底用璽發光淒其爲懷古

安期昇仙臺

神山莫可稽欲弔踪多漫惟有安期生遺臺粵山  
畔想當避秦亂南還事冶鍛砂採芙蓉靈火煬電

光爛丹成遂輕舉跨鶴步雲漢尚留如鳧鳥世上  
作竒翫飛騰今何之翹首起吁嘆

夏日過蒲礪寺後二巖觀菖蒲

炎威鬱難攄况值日方永揮蓮偕同袍遠詣山中  
靜消暑得清泉流來自巖頂循澗見石蒲瀰布水  
光映蝟毛刺針銛虎鬚簇錐穎婆娑濃靛敷翠色  
香挺挺傳是古堯韭一覽心已領採餌可明目爍  
爍電光耿尤堪引壽齡又視閱遐景遂躡安期蹤  
雲路恣馳騁旋歸乘天風浩笑塵夢醒

寄琪琳黃道士墨竹

漾漾太湖水涓涓文玉叢龍光起夕霧鳳羽生秋  
風水輪出寒悄瘦影篩玲瓏因之懷所思邈在蓬  
萊宮

寄關大舉隱士

秋陽化爲霖流潦漲平陸陰霾晦萬象歲暮時運  
速居者窘營爲行者困馳逐晨興起慨歎旅懷傷  
局促颺風振叢薄泥塗沒車軸庭樹無全柯原草  
變餘綠靜念窮居士杳然蒼山麓短褐纔掩脛糗  
糲常不足從事屢失會養高動違俗空積隋侯珠  
誰明卞氏玉貧賤少知已隱淪愧親族勵節希世

賢君子善自勗

西郊秋日

斗柄揭西晨杪秋天氣肅零落沾野草驚颺振林  
木西疇農務成勤忙事刈獲歲時樂豐稔膏澤遍  
種稔思昔遊京洛寒至未成服弊裘感季子知貧  
仰鮑叔哀樂如流電撫已心已足無煩抱龜策更  
就詹尹卜

南園懷李仲脩

幽獨攄雅懷逍遙步南園繁卉耀陽德嘉木秀春  
暄時暘燠土膏流澌漲逐川荃蘭楊朱英山樊炫  
文軒垂楊列曲渚鳴鳥何關閉展席芳醕陳開觴  
群物妍顧瞻失儔侶高情寄所宣馳思望遠人迺  
在伊洛孺賢勞事會計日昃不遑安聊復縱長唵  
引領希令言何能此會合宴樂舒我顏

贈從弟三首

鴻鵠在陂澤立志恒不群獨鶴唳九臯音響常遠  
聞令器逢盛時豈將久煙淪無爲秉孤節甘與巢  
許鄰

青陽播林麓百卉生光妍如何空谷資尚爾霜霰  
纏守節抱苦貞豈不幽且寒由来松柏性羞學桃

李顏

荆山有良玉韞此璞石中玉人彫琢之始能成珪  
琮良玉豈非寶亦在彫琢功願言保令譽龜勉光  
吾宗

贈晉隱士中羨

商飈落庭木芳歲倏已週感此流序易惻惻但懷  
愁念我同志友不得偕宴遊一居玉堂署一在炎  
海陬王道今清平有才贊鴻猷誰令抱孤志坐戀  
林與丘

北上

京華文物盛東南紫氣浮祥雲間甲第春陽藹道  
周觀國方振纓彈冠始鳴騶臯夔預接武多士爲  
我儔如何舍此去北上賦遠遊揚帆渡淮水驅馬  
入青州青州非故鄉鬱鬱又難留西望太行巔南  
臨清濟流行日以遠役役安得休微官宦况薄  
旅邸芳歲邁嚴風被艸木密雪沾衣裘迢遙百越  
地杳邈炎海陬那能計歸日苦道阻且脩

別弟

離離原上草歲晚霜霰滋與子爲兄弟生世逢亂  
離漂蕩各分散生死安得知樂土歎無食南州嘆

無衣良時幸休明天路開清夷翩翩兩鴻鵠振翼  
思奮飛一留故山樹一望雲中涯東西各異勢顧  
影相徘徊遠道去茫茫會合未有期吞聲念同氣  
淚落不敢揮他鄉儻言歸庶邇遙相思

別鄰

諺云骨肉遠不若鄰里親往來旦夕念眷意一何  
勤願言永相保不謂遠離分携壺與挈榼送我衢  
路津合愁向往軸酌酒當霜晨戀戀踈者厚依依  
故情新去去歸未期留家猶食貧有無通假借此  
道古所敦無爲忘寄托別語多苦辛

別友

嗟嗟晨雞唱蕭蕭征鴈鳴行裝戒往僕遊子趣脩  
程嚴風裂弊裘霜氣集冠纓亦知歲聿暮奔走詎  
遑寧盼盼依衢路粲粲別友生鶴鴒傍我飛楓樹  
送我行商歌慘無歡飲酒催盡觥車輪倏已遠賓  
客如晨星離別固可惜志在身與名相期各勉  
天路方清平

別內

秋霜凋女蘿夕露沾兔絲依依兩夫婦貧賤生別  
離思昔結縵日適際離亂時布衣纔掩脛糟糠不

充饑性拙命復窮偃蹇世所嗤賴子同甘苦孤貞  
常自持幸逢世道平天路振羽儀歡愛未云竟殷  
勤方自茲執袂詎忍分清涕流裳衣淹留日月促  
去去無歸期晨雞咿喔鳴行李戒路岐僕從已嚴  
駕寧能更遲遲所嗟長辛苦不爲兒女悲遺語望  
鄰曲含酸望親知惻惻重惻惻此懷當告誰

代友贈別

金蘭結深契厚愛兄弟親歡娛暫相違一日勝九  
春如何捨我去去逐衢路塵行役冒雪霰驅馳極  
宵晨寒雀思集樹凍池念潛鱗物微尚有托君作

歲晚人歲晚風已寒蕭蕭吹車輪征袍弊不補野  
飯新亦陳別曲亂無腔別酒醉失巡私情豈遽忍  
欲止知何因落日如銅鉦遠山生紫雲君去意惻  
惻我留涕紛紛王度今清夷世途無荆榛前期慎  
努力莫用懷苦辛

代內贈別

惻惻重惻惻君爲遠行客遠行無時還千山復萬  
山不怨別離苦所嗟道路難鴻鴈集沙渚鳥雀棲  
山樊遑遑欲何之竟歲不得安昔爲風中柳今若  
霜後蘭雪霰被平野風沙侵苦顏苦顏日以凋去

路日以遙妾今守空閨歲暮不自聊寒花無妍姿  
凍柳無秀條淒其舊容色坐爲憂患銷臨期一樽  
酒聊以求今朝前途善珍重努力登雲霄

寄王給事佐

休沐展幽眺步出鍾阜阿卉木春氣盎淮水揚素  
波泛泛波上鷗游泳鮮羽儀端坐愧此鳥長遊成  
蹉跎安得理歸楫翩然解珮珂揚舲過關右鼓枻  
入江沱友于事讌集物候方陽和酌酒南園上與  
君同笑歌

寄鄭進士毅德宏

步出城東門豁我幽素懷茂樹交綠柯鍾陵敞雲  
厓有鳥鳴春樹顧聲何喈喈靜言感物理心思寡  
所諧生念同門友襟期曠以乖亨衢未接武丘樊  
尚高棲王度今清夷縉紳若雲來鳴珂登鳳闕曳  
履上鸞臺誰憐抱孤貞甘分棄草萊朝吟小山篇  
暮詠猛虎詞會酬盍簪願天意諒不違

車駕遊天界寺應制

車書渾文軌海嶽獻嘉祥皇風載清穆王度日隆  
昌開歲時豐慶九域會冠裳璇文星再紀五色日  
重光順令下宸遊招搖隨西行靈雨浥馳道條風

清太常萬騎羅長雲千官沸鳴璫翠華旋地軸黃  
道闢天閭絳殿開祇林金蓮燦上方百靈儼扈蹕  
龍象肅周行于時春始和淑氣播青陽卿雲籠羽  
蓋瑞旭炫虹梁多士溢詞林侍從叅翱翔玉音聞  
罄欬御翰灑琳琅賡歌詳舜訓文思粲堯章天顏  
穆以愉清宴樂未央願言敷聖澤仁風被八荒

朝回呈諸閣老

承恩入翰苑竊祿侍彤幃日月行黃道璣衡耀紫  
微菲才忝下列丹衷無由披凌晨陪稷契日晏揖  
臯夔海岳方奠安神人亦恬熙歛蓋瞻鑾馭鳴珂  
集鳳池遙望雙闕門飛觚切雲霓交疏羅結綺  
柳轉文鸚輕裾隨風旋綠樹晝景移明良感嘉會  
文物應昌期濯濯聯華采翩翩秀羽儀宣情寄芳  
藻聊用頌清夷

贊翰林宋先生諸老

依依野田雀本在桑榆間深林蔭棲息卑枝覆羽  
翰春風照九垓陽和德澤寬翱翔霄漢上迺得隨  
鴛鸞群公珪璧才盛世仕明君出入金門裏百辟  
同續紛顯宦極崇高下顧念斯文惠然枉禮遇揣  
已愧明恩際會信有時感激復何言斐文謝嘉誨

久敬道彌敦

輸役蕭牆

係組赴烏臺解珮辭禁垣弛刑許輸役獲譴尚承  
恩跼躅感明宥引咎復何言平明操板築日沒就  
微纏寒氣襲敝裘重負賴我有撫已諒無愧服勤  
思蓋愆息杵入屏城仰瞻東華門祥風拂左纛卿  
雲護彤軒暈鳳麗羽翰飛稜高中天重關起象魏  
光彩一何鮮百辟羅周行鳴珂翕鏘然臯夔儼穆  
肅董賈來翩翩白日光昭融下照寧有偏微命嗟  
薄劣獨茲阻周旋

治縣事作

訟庭敞公館牒訴日紛紜退食常少暇吏牘苦長  
勤刻木對胥曹皇華勞遠賓清晨起坐署日入未  
解紳出沐事宴遊聊用散我神雲還幽谷曙鳥鳴  
芳樹春信美非久居欲留嗟無因逝言謝簪紱垂  
綸越水濱

送王給事南還

良時幸一違嘉運難再逢流序若飛電倏忽歲云  
終羨子瑚璉器林麓隱高蹤適此徵俊彥奮起惠  
家邦觀光充上賓恩禮赫以隆金門拜給事百辟

肅敬恭迴翔忽歛翼言歸滄海東昔若雲中鳳今  
若南飛鴻出處各有道顯晦詎能同微官慚苟祿  
仰首慕清風文成德亦著節立道斯崇願言秉夙  
志永保貞素躬

還山行

禽魚不可友出就斯人居迂才忤盛世復此歸  
敝廬投迹近逸民振衣辭高衢白雲逸我屋清澗循  
我除深林挽雲軒松竹鬱森疎貧家何所有但有  
琴與書日暮無人來濁酒聊自娛神全慮斯澹妙  
得景亦俱豈不樂守貞幽抱恒未舒屯膏違聖訓

獨善曠仁譽徘徊望嵩衡惻惻懷居諸

擬古

行行重行行

岐路一尊酒送君當遠行交持未及竟絲管激哀  
聲冉冉歲華暮悠悠雲氣征馳車戒往路惻惻傷  
我情我情默已傷歡愛不可忘昔爲春花妍今爲  
秋艸芳秋草芳有時夫君見無期獨宿坐長夜淚  
落如縷縻白日儻回照孤懷君所知

青青河畔草

青陽煦林薄春氣匝道周婉孌都人子采桑南陌

頭脩眉婉清揚玉顏和且柔明粧照碧落五馬爲  
久留久留諒奚爲妾非貴者儔貧守蓬蘽條獻食  
獨安羞

青青原上栢

置酒高堂上賓友列長筵綺食羅雕盤烹烹鱉膾熊  
蟠回風吹繡縠悲管間清彈遺響妙入雲慷慨有  
餘懽流光若逝水安得長駐顏薄酒聊斟酌幽襟  
良可歎

今日良宴會

南園有佳人窈窕桃李顏容華一何麗顧盼生光  
妍進退禮自防秉德幽且閒良媒候嘉意君子希  
令言鴻鴈念儔侶睢鳩鳴河間盛年若流水隱處  
獨長嘆

西北有高樓

華月散高樹列曜何參差流光射結綺思婦慘中  
闈良人涉遠道感嘆夜何其清聲發妙曲宛轉有  
餘哀妙曲固可聽餘哀知爲誰春至桃李妍歲暮  
華色衰居然獨處廓顧影久徘徊

涉江采芙蓉

故人隔千里寄我青琅玕琅玕色美好愛重若立

山感茲纏綿意將以遺所惟路遙不能致欲挿排  
風翰

明月皎夜光

離離谷中樹燦燦春華芳枝葉何盛茂忽然隨風  
揚流光有凋換物理安可常擾擾路旁子哀歌使  
我傷杪秋天氣肅白露結嚴霜攬衣不能寐起視  
夜何長明月出東壁衆星羅縱橫歲暮鷓鴣鳴百  
草青自黃遠道者誰子驅車登太行太行鬱嵯峨  
天路無津梁興言念同志涕下沾我裳

冉冉孤生竹

青樓何高高綺疏臨道旁美人娛永夜皓齒發清  
倡玉顏羞掩媚妙曲婉成章含宮亦泛羽忽復轉  
徵商行雲駐遠漢飛塵連虹梁識曲世所稀遺音  
空飄揚歌竟夜閨寂悠悠哀思長

庭中有奇樹

洞庭木葉下悲吹激微寒美人倚脩竹凝睇九疑  
山層雲沒遠巘軒車絕來還既懷文玉佩復采澧  
水蘭結言欲有贈天路遠險艱沉憂坐將老歲月  
銷令顏

迢迢牽牛星

北風吹雪霰同雲四垂陰惠而能好我寄我瑤華  
音蟋蟀入床下晨風飛北林川梁限楚越思子聞  
傷心

回車駕言邁

壯士悲白日達人愛景光景光無停留鬢髮忽以  
蒼嚴霜被野草行旅思故鄉禽鳥有所識百蛩知  
潛藏如何不弔勉老至空白傷

東城高且長

咸陽九原上昔日冠蓋場秋風動禾黍曠野浩茫  
茫大化無停留榮耀安可常煙雲迷五柞榛棘沒

長楊時運理則然來者徒自傷所以放志意酣歌  
稱我觴鳴筆縱繁響緩此幽思長回車長樂坂將  
去復彷徨願為雲中鴈慕廓恣高翔

驅車上東門

良辰集賓友載酒登北邙百草何離離高墳被山  
岡四野生悲風夕日寒無光狐狸穴空壙穉子覓  
亡羊人生寄一世奄逝若朝霜高堂與大宅終作  
荆棘場蓬萊隔弱水仙說成荒唐及時且行樂勿  
用徒悲傷

去者日以疎

白日無流光逝水無迴波浮生類轉燭運盡歸山  
阿松栢夾長路高墳起差歲古來皆若此咄咄將  
柰何誰絃雍門琴和此薤露歌

生年不滿百

日月逝朔望推遷無時停鼎鼎百年內所爲竟何  
成賢者解斯理達生外其形良辰有美酒日對賓  
友傾迢遙閨風立竒樹秀瑤英周王八駿沒天路  
杳冥冥

凜凜歲云暮

江潭十月交霜露萃郊原卉木無留榮百草日夜  
乾鴻鴈鳴洲渚猿狖悲空山閨人念遠道撫節涕  
泚瀾川梁一睽隔魂夢夜不安厚愛君詎知新思  
忘前懽忘誠不見白剖心良獨難望望千里道無  
由生羽翰

孟冬寒氣至

愁人起視夜北斗低復昂中垣耀室壁良月知載  
陽客行涉遠道葛屨履嚴霜願欲同辛苦江漢愁  
且長臨風付書札鴻鴈無來翔悄悄闔闔心歲暮  
惟獨傷

客從遠方來

妾有錦繡段文采裁爲衾上羅連理枝下織雙飛  
禽惜此嫁時物珍之比南金良人隔山海歲月亦  
已深願因飛鴻翼寄以表此心

明月何皎皎

歡愛夏日短憂愁春夜長房帷敞虛白對此華月  
光薄寒婁以至入我羅衣裳悄悄感心目欲寐還  
不遑良人遠行役三載滯遐方別時木葉落今已  
花卉芳無由達衷曲悵望隔河梁

西菴集卷之一終

西菴集卷之二

樂府

將進酒

青瑤案上離鸞琴一徽已直千黃金開樽花下對  
明月欲彈一曲還沉吟沉吟幾低首且彈商  
聲勸君酒雍門風樹春蕭蕭地下田文骨應朽

紫騮馬

紫騮馬黃金羈妾家夫婿金陵兒金陵正值繁華  
時日與遊俠相追隨追隨遊俠金陵下長跨金羈  
紫騮馬賭勝初登蹴鞠場縱酒還來鬪雞社越羅

孫西齋集 卷之二 七  
楚練照晴空飛鞚揚鞭去似龍却轉端門回輦路  
斜穿夾道過行宮行宮夾道通三市長使旁人誇  
意氣紫陌春融錦繡連青樓日暮簫笙起青樓娼  
女砑羅裙清歌宛轉駐流雲歌闌陌上春風度舞  
罷樓前壁月新陌上樓前相識多相陪相引屢經  
過房櫳寂寞交疏裏雲鬢粧成柰爾何

烏夜啼

龍葱窓閉雲凝影織錦梭停蜀絲冷蘭心欲語還  
自緘待郎不來秋夜永秋烏夜夜啼啞啞鳳書應  
來郎到家開門自把枇杷花

望行人

高樓臨廣路朝日麗綺疏美人盛容飾凝涕倚踟  
躕踟躕長太息愁思鬱煩紆愁思知何爲自言惜  
離居將期歲暮返忽歷三載餘昔如春園花今若  
龜水藻盛年詎可再獨宿誰與娛思逐北風翔相  
從千里餘中途儻相失浩嘆何所如

長相思

洞庭清秋灑氣多金盤彩月搖碧波湘靈朱絲奏  
雲和九疑木落風娑娑長相思渺何極湘山雲斷  
湘水深淡竹年年雨花碧

飲馬長城窟行

長城去迢迢征馬鳴蕭蕭馬飲月窟水長城萬里  
遙征人行從軍離家今幾春春花復秋草閨人念  
遠道遠道歸無期漂流不相知徘徊復展轉展轉  
長相思相思不相見涕泪鉛華滋風從西北來吹  
我井上桐寒涼颯將至惻惻傷我衷乘月搥寒衣  
丁丁砧杵悲衣成欲寄遠君在天一涯瘦馬戀破  
櫪倦禽思故巢君行亦已久孤妾寧自聊遠使來  
長城帶得音信還書中何所道但道寄平安平安  
不顧返歲月忽已晚君心知若何妾意今無限

行路難

君不見翟公昔時作廷尉蟬聯賓客填門至竝披  
縫掖曳長裾夕振鳴珂晝停騎綈冠博帶稱徃古  
吐氣揚眉論當世交態渾如金石堅朋情肯數芝  
蘭契當時意氣何豪雄炙手可熱噓生風日晏聯  
鑣登紫閣平明騎馬出銅龍只道浮華長若此誰  
云生死不相從一朝官罷成索寞門外庭前可羅  
雀寂寂蓬居向午開蕭蕭木葉驚秋落古來此道  
今可悲須知榮悴亦無時花前且盡一壺酒世事  
悠悠儂不知

行路難

龍門西接崑崙丘中有一帶黃河流風雷噴薄  
不可以利涉鬼浪吐雪龍爲愁我行欲濟無方舟  
長吟澤畔成久留暮天搖落對羈客白石楚楚青  
楓秋行路難歲將夕靈槎八月秋風生安得乘之  
沂空碧

白頭吟

妾昔深閨裏風情未嘗識獨有如花容嬋娟自憐  
惜願言嫁得同心人共駕雙飛彩鸞翼君時走馬  
從東來揚眉吐氣萬人開當時鴻鴈豈無侶妾獨

憐君英俊才一夕誤踰垣從君共君語君指松柏  
枝歲寒永相許從君衣錦還故鄉蓬屋蕭然但環  
堵相守貧賤栖棲還共居自除花壓面起結青  
羅襦當壚滌器不知耻逢君他日乘高車一朝忘  
氣題橋柱偶上金門見明主十年詞賦髮成絲縱  
博黃金只如許才華備供奉富貴能幾何文園病  
消渴憔悴亦已多金莖瑞露不得賜起視雲漢空  
星河不謂羈旅餘向來聘私室舊好如塵埃新情  
若膠漆清晨起坐白頭吟哀怨凌天薄雲日哀怨  
復哀怨娥眉空自顰生來見事晚怨妾不怨君投

珠擲壁不自惜晚節末路當何云妾已無復言於  
君更何道願君與新人歡愛永相保莫貪春日鬼  
絲花亦作秋霜女羅草妾有青銅鏡蛟螭蟠玉臺  
自君一爲別棄置生浮埃志殊心異不在貌珠簾  
繡匣寧勞開案上龍唇琴冰絃冷將絕悲來試一  
彈不覺淚成血因君一曲鳳求凰誤妾淒涼百年  
月浪盪指明月清光無定時君心亦如此中路豈  
不移妾心懷冰霜凜凜君詎知君心儻有能回日  
缺月重圓應可期

昭君歎

憶初少小入宮時風鬟霧鬢綠菱蕤自言佳色已  
無匹不謂官家猶未知十二瓊樓動光彩三千彩  
女妬娥眉鴛幃不作春宵夢紅葉常題秋日詩畫  
工不識媽妍趣卻遣丹青故相悞買工不是吝黃  
金黃金已盡相如賦早知容貌世稀有臨別夫君  
猶可顧翻將寂寞倚門悲啼向迢迢去鄉路窮廬  
雪落似梨花五月天山草未芽鏡玉塵昏孤鳳影  
臂紅香冷守宮砂長門無復沾恩澤絕域誰知有  
歲華不恨胡沙埋絕色還聞漢國選良家人言北  
狩封姑衍盡日凝粧候金輦憔悴雖緣別恨添娉

娉尚勝良家選五雲迢迢山宛宛日近長安一何  
遠新愛雖濃獨自憐舊恩未斷誰能遣琵琶一曲  
苦從軍調苦單于醉不聞霜壓甌甌秋欲半月低  
絃索夜將分溶溶淚濕龍香撥冉冉愁看鴈塞雲  
病裏常思霍去病夢中猶詛奉春君

湘妃曲

沅江木葉下洞庭秋水多湘靈美清夜隱約倚層  
阿水雪耀玉容遠山歛翠娥風鬟散香霧美盼溢  
回波明璫結珠珮絞綃夾素羅金支色璀璨翠蕤  
光盪摩小環奏玉簫雙成鼓雲和瑤管雜哀怨清  
彈間嘯歌妙曲隨風揚餘音泛流霞林端舞鸞鶴  
水際起蛟鼉問汝何所思慨嘆慕重華軒車去杳  
邈黃陵起差栽汀洲生蘼蕪松柏掛女蘿清涕下  
灑竹爛斑隱成花日暮天氣肅星移歲蹉跎靈荃  
不可見婉戀悲如何九原儻可作千載復來過

阿嬌怨

妾昔初入昭陽時橫雲學得內家眉風鬟霧鬢在  
君側長恃娉婷不自持侍宴前樓春爛熳承歡別  
殿夜透迤西涼絃索龍香撥北苑葡萄金屈卮一  
從寵薄恩光歇長門永巷喧呼絕斗帳香銷荳蔻

垂舞裙寬褪丁香結熏籠夕倚瑣窓兩羅襪秋凌  
玉堦月淒迷夢醒心似灰零亂憂來涕如雪橫塘  
浦口大堤邊女伴年年憶採蓮雙飛翡翠渾如畫  
竝蒂芙蓉只似儂傍舍誰唸白華曲下堂長詠綠  
衣篇君恩若許重相惜缺月清光應再圓

班姬怨

燕燕復燕燕飛來尾涎涎朝辭烏衣國暮入昭陽  
殿羽毛一何好似許令儂羨遂令同輩人咫尺不  
相見新愛易舊歡物情有遷變白日尚移光君恩  
詎能徧懷今思獨永感昔淚如綫秋草沿玉堦流  
塵滿紈扇紈扇知妾心携持自障面時來即所遇  
勢失貴亦賤庭樹秋風生無勞匣中怨

烏孫公主歌

咽咽復咽咽羊車鳳輦恩光絕新新復新新駝裘  
貂帽來相親昔爲花月漢宮女今作風沙胡地人  
漢宮胡地何分別人生過眼如一瞥彩雲易消月  
長缺柰可嬋娟涕如雪且喜華夷罷戰爭天南天  
北樂昇平一堆紅粉壠頭塋百萬兒郎邊上生漢  
宮剩有三千女豈憚邊庭有強虜從此龍泉不用  
磨只從天下選嬌娥銀鞍白馬金橐駝琵琶絃索

聲相和葡萄酒綠朱顏酡壻家兒孫日日多年年  
只報烽火息莫問嬋娟傷綺羅

白紵四時詞 四首

姑蘇臺上春風和江花亂落江水波交疏楊柳綠  
參差華筵夜列開綺羅當筵西施間羣娥朱顏爲  
君起微醺自拈紅牙節清歌飛花着人思繁多華  
月耿耿度斜河疎星出河夜欲過烏啼啞啞柰爾何  
閭門輦路薰風時江光瀲灩芙蓉披翠羽霓旌照  
洲渚鑿輿出遊初避暑西施含顰嬌不語群娥鬪  
起歌白紵回風舞袖爲君舉歌聲窈窕一何長白

紵之白白如霜木瓜花紅荔子香東江月出西江  
光銀壺酒多樂未央

館娃宮畔風蕭蕭芙蓉隕香楊柳凋銀河影淡烏  
鵲橋熒熒雙星麗碧霄美人微醉臉紅潮筵前舉  
袖催玉簫舉歌白紵鬪嬌嬈越羅楚練風飄此時  
奉君情欲絕銅龍夜深宮水咽銀床低轉梧桐月

北風吹江日宛宛江天飛雪簾櫳滿美人臺上鬪  
腰肢羽觴流霞照華瑄筵前西施含醉眼歌停綠  
水聲欲緩群娥玉環低欸欸別宿臺前水僊館美  
蓉帳高錦雲暖儂覺寒宵作那短

團扇詞

團扇復團扇秋風淅淅昭陽殿燕燕飛來尾涎涎  
同輦夫君不相見長信宮深秋夜長玉階坐對明  
月光玉繩低垂夜未央牽牛織女度河梁自投長  
袂數愆殃夢魂彷彿若有亡夫顏夢見在我旁覺  
來邈若天一方起援鳴箏發清商舊怨未平新怨  
長新怨未平復舊怨怨此啣泥梁上燕雙飛雙宿  
令人羨還來啄人嘴如箭燕燕子飛柰爾何閑愁  
不爲傷綺羅長陵百尺高嵯峨山精日落悲薜蘿  
誰能爲譜螽斯羽翻作當筵白紵歌

梁父吟

江水何深深青楓映雲林衡門一杯酒抱膝梁父  
吟君不見夷吾奮袂投南冠故人薦引登君門揚  
眉吐論下荆楚糾合冠裳朝至尊又不見樂生徒  
步從西來燕平一擁帚調笑黃金臺轅門一日見  
旌節七十齊城生暮埃古來英俊人所遇皆有立  
袖拂驪龍珠能令鬼神泣而我獨何爲幽泉凍蛟  
螫荒蘿繞屋秋雨涼山鬼吹燈冷光濕幾欲乘風  
朝太清芙蓉縹緲白玉京天田角井散煙霧阿香  
布鼓琅璫鳴星辰可望不可即手把琅玕空復情

孫西華集 卷之三  
爲臣自古良猗難我更懷之摧肺肝田疆古治三  
猛士昔者虎視青齊間悞罹相國二桃計恨血今  
爲春草斑白頭勳舊且如此何況新知而醜顏梁  
父吟聲正苦日落未落天星黃西園灌木秋楚楚  
青青千里草如霧兀兀當塗高踞虎長陵百尺空  
嗟峨夜半山精泣風雨世無女媧五色石天柱欲  
倩誰人補荊州水碧岷峨青思美王孫渺何許梁  
父吟聲苦傷歌闌玉壺缺白髮千丈長起坐擊長  
劍仰天悲流光西歸白日爲誰晚東流之水何泱  
泱青冥黃鵠儻垂翅我亦凌風隨爾翔

桂劍臺

我有白虹青霜之寶劍舞時燁燁蓮花艷去年北  
上東蒙峯君眼如猶看厭厭今年匹馬歸江東將  
期豁我抑鬱磊落之心胸懷君不見淚如水墳樹  
索索生秋風歲華零落對杯酒酒酒酣脫劍爲君壽  
今爲君贈君不知墳前掛向桂樹枝等死酬知心  
所許劍有神靈劍應語金環魚腸寧足數草平翁  
仲月荒涼山鬼提携學吾舞

銅雀臺

阿瞞在時起臺殿宰割山河幾征戰賦詩橫槩氣

何雄賣履分香淡如霰良辰吉日人自悲安有紫  
華非昔時華容曼舞對松栢歌笑喧喧知爲誰有  
歌有舞還尚好莫怨西風翠蛾老君不見栢梁廢  
榭無人登煙草淒淒茂陵道

楊白花

楊白花花離離隨風化萍草蕩漾無還期僊桃醉  
日甌餽暖荔枝漿凍黃金盃連臂歌殘翠華館愁  
來玉環低欸欸春宵長春宵短

休洗紅

休洗紅洗紅顏色落莫思君思君懷抱惡君恩原  
不淺妾命由來薄君如白日不回光妾有芳情向  
誰托休洗紅洗紅生寂寞

蔣陵兒

蔣陵健兒身手捷青年好遊仍好俠錦衣繡帽綵  
絲囊綠鬢葱籠映朱頰春風二月蔣陵西柳暗秦  
淮花蒲堤窈窕金鞍搖日出輕盈紫陌踏花嘶佳  
人紈扇和詩贈上客金瓶帶酒携上客留連正及  
時佳人妙舞鬪腰肢舞回壁月當空見歌罷楊花  
似雪飛楊花似雪紛紛落酣醉人前誇浪語  
不分揖金張况肯低頭拜衛霍意氣由來凌七

孫西齋集 卷之三  
豪華豈必資三畧五侯宅裏聽啼鶯廷尉門前彈  
羅雀楊雄寂寞掩柴扉艸得玄成髮若絲歲歲年  
年書閣底惟應羨殺蔣陵兒

### 苦寒行

隆冬十二月四野雲氣浮寒日霾夕光層陰蕭幽  
幽苦哉離家人歲晏尚遠遊北上太行坂屈結阻  
且脩西轅指張翼東轍望幽州嚴風裂短袂密雪  
凋敝裘熊羆啼路隅鬼火照林陬車轂陷泥滓馬  
毛凍颼颼涉險終日行薄暮不得休苦顏帶冰屑  
涕淚沿眶流空山絕人煙野飯依古丘行囊已罄  
盡何以慰旅愁苦哉離家人坐念生百憂

### 鞠歌行

熒熒圃中花濯濯堤上柳春日齊敷榮秋至就衰  
朽萬物隨變化浮生詎永久自非彭與聃誰能長  
壽考君看少壯顏倏忽成老醜及時當屢勉遲暮  
復何有

### 傷哉行

長夜何漫漫愁氣悽已悲浮雲掩明月涼風吹我  
衣曳履出房帷鳴珮下重階俯觀霜露集仰視星  
宿稀倦鳥止復翔百虫鳴聲哀飛翻念儔侶呻吟

知歲時感茲時物變惻怛傷我懷誰能駐流光息  
此心所思

懊惱曲

妾家良人壻執戟明光裏四時遷顯官寵幸無與  
比似妾初嫁時容光照鄰里芳榮有衰歇喧赫詎  
可恃火熱變灰寒懊惱何時已

長安篇

長安形勝地京華富才雄北開左馮翊南列右扶  
風漢道方全盛象魏何穹窿逶迤長樂坂壯麗未  
央宮游俠多少年妖女秀華容凌雲飛甲第照日

輝簾櫳行樂正及時綺羅繡龍葱珠葉搖蟬鬢銀  
鞍被玉驄千花色炫爛萬柳景昭融擊鞠都門外  
鬪雞馳道東青樓啓夕月瑤箏沸春空良時逝不  
留流連會有終且極娛心意無爲虛光風

上京行

京華全盛日江南鉅麗時鳳閣凌天蒼雕甍向日  
披堤楊垂宛轉清水遠逶迤萬國年方泰三陽景  
載熙少年縱娛遊游俠相追隨載酒聯絲絡乘驄  
鞚玉羈鬪雞初賭錦擊鞠復爭馳百卉照眼明步  
障隨風移珍禽哢幽響咬嘎一何悲日暮宴青樓

稱觴侑瓊姬開筵列上客急管聞哀絲為樂世木  
央但惜白日歌豪雄極志意黃髮以為期

採蓮曲

江南好採蓮蓮葉何田田魚戲蓮葉下鷗飛蓮葉  
邊蓮葉蓮花耀洲渚桂楫蘭橈下長浦採蓮採葉  
忘採花隔水停船共君語君語不還顧妾心將柰  
何回船向明月月照江水波江水照妾影明月知  
妾情郎心得似此明月兼照蓮花與蓮葉

短歌行

擊長劍和短歌短歌聲無歡調促情苦多盼流光

疾逝波青銅霜飛亦老何

長歌行

彈鳴絃發清商悲吹激林木歌聲一何長歌聲長  
絃聲緩百年鼎鼎不易滿

古意二首

山樊花落春風起吹妾芳情渡湘水夢中蝴蝶相  
交飛門前鵲聲即馬歸

梧桐初落金井牀斷蛩聲裏月如霜沉沉玉漏清  
秋夜妾顏如花恐愁謝

秋風詞

二首并序

魏文帝作燕歌行蓋秋風四時之變而其音韻鏗鏘情思悽愴爲千古七言之祖其後如少陵秋風兩首邢君實秋風三疊皆本此而作者也今特衍其詞語分爲三首略竊三疊之意雖未能以配詩祖則亦可彷彿四愁之遺響云

秋風嫋嫋天意晶寒虫唧唧霜露零白雲孤飛鴈南征念君歲闌遠遊行長年驅馳竟何成閨閣盼望空熒熒哀來傷秋百感生感極涕淚沾衣纓何人月高彈鳴箏繁絃急絲攪離情銀河橫天湛空

明哀徠寥寥共悽清微禽安棲夜不驚夫君胡爲未遑寧

秋風颯颯林木空吳山楚山千萬重湛湛江水上  
有楓念君遊行遠從戎不遑寧居走西東寂寞空  
閨敞房櫳獨宿涕淚沾襟胸悵望不見憂怔冲長  
雲遙天叫孤鴻哀音嗷嗷思無窮黃姑斜河夜正  
中牽牛七襄淡橫從夫君胡爲苦匆匆

秋風淅淅庭宇虛日行南陸露如珠江空木落芳  
歲徂念君遠遊今何如別離不得尺素書妾又悲  
傷惜君諸惻惻涕淚盈衣裾凝思關山倚踟躕南

鄰誰家吹笙竽清聲撩人思煩紆繁星麗天明月  
孤城頭夜棲白頭烏夫君胡爲未寧居

南浦曲

君家住南浦妾家住橫塘少小曾相識况復是同  
鄉妾年與君相上下月下花前幾相許相憐相愛  
君不知卻共何人隔花語芙蓉被霜那得連荷風  
蕩露那得圓君情君意苦難定妾貌妾心長自憐

橫塘曲

鶯黃不染衣蝶粉不勻面有情翻作無情悲相見  
渾如不相見落花深處紫騮嘶紅藕香中畫舫移  
藕絲難疊同心結花影空成連理枝君如呼沙鴻  
妾似浮波鴈暫時照影相和鳴逐浪隨風各分散  
分散杳然去幾時還合并芙蓉易謝月常缺亦似  
人間離別情

春愁曲

妾意一何長春光一何短良人遊冶卽去去不知  
遠含桃石竹花盡紅房攏蝴蝶醉春風令人翻愛  
遠離別孤絕相思情更濃

春開曲

去年百花開春風妾顏窈窕如花紅今年花色仍

自好妾顏比花已漸老良人新愛移平生妾貌如花空復情花開無言妾不語妾淚長垂花帶雨

游絲曲

游絲映戶春風盪雕簷雨浥蜘蛛網春花亦笑綺  
帳空故遣飛紅入虛幌青樓夫婿醉忘歸魂夢相  
尋意轉迷恍似妾心懷舊愛還如君意戀新棲綺  
疏鸚鵡通人語戲把琵琶擲金羽含情暗卜無心  
負今夜渠儂到家否游絲罥花風葉葉吳羅袷薄  
新寒怯蜂遊亦解鑽綺疏不獨房櫳出蝴蝶懷人  
不爲青春過別有閑愁幽思多君情妾意俱腸斷

舊愛新憐柰爾何

落花曲

昨日見花開今日見花落花落花開還滿枝人老  
終無年少時勸君及時且行樂莫管花開與花落

木葉曲

南風木葉青北風木葉黃木葉有零落客心與爾  
同悲傷悲傷日日人慚老明年木葉依舊好

蓮花曲

蓮花復蓮花蓮花相交加葉如雲鬢偏宜綠花比  
妾容還更佳蓮葉蓮花相對好妾容妾鬢愁中老

蔡花曲

蜀蔡花開開復落黃金滿地秋風惡良人遠去不  
歸家秋風吹落蜀蔡花蜀蔡花落開復好良人不  
歸愁欲老

鴛鴦篇

南浦雙鴛鴦生來不獨宿葉底已雙飛花邊還對  
浴鴛鴦可羨復可憐况妾容華方少年

織婦詞

吳中白紵白如霜春風入衣蘭麝香二月城南桑  
葉綠新蠶初出微於粟採桑日晏携筐歸夜半懸  
燈待蠶熟線成素絲經上機兩日一匹猶苦遲織  
成裁衣與郎着妾寧辛苦教郎樂家中貧富誰得  
知郎無衣着他人嗤

古鏡詞

貧女池邊得銅鏡鄰媪歡呼喜相慶持歸鉛粉三  
日磨龍影模糊面猶瑩機中剪素爲鏡囊染絲繡  
作雙鴛鴦橫看豎照心不厭借插金釵學士堂廢  
銅雖舊惜於寶無錢買新舊亦好誰識青樓金鏡  
開珍珠綴匣瓊爲臺

漁父詞

順流得魚易逆流得魚難難易有天定順流心所  
安網羅踈踈釣曲直老翁取魚兼取適

樵父詞

清晨腰斧出日暮腰斧入青青遍原野造化若不  
息我願嚴霜殺荆棘蒼松翠栢高千尺

田家歎

田家養牛如養龍妻孥望歲長防冬耕田得暇縛  
屋茅編竹着坭防北風山田不兩水欲涸田頭水  
車鳴角角歸來夜半猶未眠新婦懸燈照蠶箔田  
家作苦無休時夏來糶穀春賣絲無因昨夜到城

郭羨殺狂遊輕薄兒

耕父詞

朝耕山下田暮耕山下田辛苦食筋力持此終歲  
年耕田得穀豈不樂但願年豐莫作惡

耕牛詞

朝出牛亦出暮歸牛亦歸牧牛如種樹貴在不擾  
之放牛散食山下草草香水甜牛易飽

牧羊詞

隴羊尾篔篔山虎毛離離願得山虎死隴羊長自  
肥蒼茫大化良亦苦怪底生羊復生虎

射雉詞

春雉巢草中子母不相離時時引子嬉翅短還墮  
池回弓落箭不射之深山大澤從汝飛

射虎詞

射羊得羊食射虎被虎傷始知學射虎不如學射  
羊村前村後腰我弩但願逢羊莫逢虎

採菱曲

朝遊大堤口暮泛橫塘邊紅粉照綠水自羨還自  
憐紅粧照水人見好涉江採菱何可道

石榴詞

累累垂垂垂復垂累累垂垂壓倒珊瑚枝西風擘破玳  
瑁皮露出數顆珍珠兒

採蓮詞

誰家遊冶卽日日在橫塘只採蓮葉綠不採蓮花  
香採蓮採葉猶自可憐新棄舊愁殺我

蠶婦詞

朝看箔上蚕暮取繭上絲絲成給日食不得身上  
衣早知阿家蚕事苦不若當初學歌舞

貧女嘆

寒花難爲紅貧女難爲容蕭條鏡中影寂寞林下

風蛾眉翠黛誰家女日日東鄰教歌舞

西菴集卷之二終

西菴集卷之三

歌行

南園歌贈王給事彥舉

昔在越江曲南園抗風軒群英結詩社盡是琪琳  
仙南園二月千花明當門綠柳啼春鶯群英組絡  
照江水與余共結滄洲盟滄洲之盟誰最雄王郎  
獨有謫仙風狂歌放浪玉壺缺劇飲淋漓宮錦紅  
青山日落情未已王郎拂袖花前起歡呼小玉彈  
鳴箏醉倚庭梧按宮徵哀絃泠泠樂未終忽有華  
月出天東裁詩復作夜遊曲銀燭飛光白似虹當

孫西齋集 卷之三  
時意氣凌寰宇湖海詩聲萬人許酒徒散落黃金  
空獨卧茅簷夜深雨分飛幾載遠離群歸來城市  
還相親閑來重訪舊遊處蒼烟萬頃波粼粼波粼  
粼今日將夕西風一葉凌虛舟猶可題詩寄青壁

廣州歌

嶺南富庶天下聞四時風氣長如春長城百雉白  
雲裏城下一帶春江水少年行樂隨處佳城南南  
畔更繁華朱樓十里映楊柳無龍下開戶牖閩  
姬越女顏如花蠻歌野曲聲咿啞可戎大舶映雲  
日賈客千家萬家室春風列屋艷神仙夜月滿江

聞管絃良辰吉日天氣好翡翠明珠照烟島亂鳴  
鼉鼓競龍舟爭觀金釵鬪百草遊冶留連望所歸  
千門燈火爛相輝遊人過處錦成陣公子醉時花  
滿堤扶留葉青蜺灰白盤釘檳榔邀上客丹荔批  
杷火齊山素馨茉莉天香國別來風物不堪論寒  
落秋花對酒樽回首舊遊歌舞地西風斜日淡黃昏

草書歌贈顏景明隱

鍾王去我忽千歲字體變恠少復真虫文鳥跡又  
不見塵姿俗態空紛紛邇來繼者誰獨步前有禿  
張後醉素詞林秘府頃見之令我嘖嘖生遠慕君

家此本猶清妍神奇老筆真可傳頽墻敗壁霹靂  
死枯檜古栢蛟龍纏秋蛇春蚓未易得見爾爲爾  
重嗟惜寶之不翅珪與璧煩君收取謹護藏莫遣  
風雷化真迹

羅浮歌

寄洛陽李  
長史仲脩

亭亭西樵峯宛在南海湄日華麗仙掌影漾金銀  
池我昔扁舟恣長往凌風浩蕩烟霞想尋幽更欲  
探神奇復向羅浮事仙賞仙家三十六洞天羅浮  
夏與滄洲連丹霞射影四山靜群真環珮來翩翩  
藥珠之峯數千丈君時與我緣蘿上水簾直下飛

晴虹萬壑天風度流響山中劉郎司玉臺仙書授  
我琅函開心如明月烟虛照身與浮雲同去來此  
時會合那能再塵土分飛忽三載我行奏賦登金  
門君亦乘輶渡淮海淮海迢迢烟樹深相思歲晚  
結愁心長風萬里碧雲遠何由一寄還山吟山中  
洞房春寂寂山中之人長嘆息松花酒熟人不歸  
瑤草春風幾回碧

智空和尚種松歌

老僧種松如種柳封植不知年歲久寒梢未解蟠  
穹蒼已見鬱律蛟龍走焚香展席坐松陰白石清

泉清道心虛無自有神鬼會風雨不妨猿鶴吟老  
僧與松有深契浮華淨盡存實際歲寒不受冰霜  
欺靜隱山中閱人世亭亭只作如是觀松年僧臘  
俱高寒夜深滕六雪中立日落山精林際看老僧  
愛松如骨肉不比枯梅與瘦竹君不見人間艷陽  
枝春盡飛花滿岩谷

題皇甫文遠所藏左司郎中堵炳山水歌

繁華亂翠時共喜金膏空青人罕識每觀皇甫先  
生圖令我感此三歎息墨樵避俗如避鴉折花頻  
見先生招亂雲團城樹宛宛澹墨掃作山迢迢人

言此是雲谷底武夷下映九曲水不然五老匡廬  
峯萬疊芙蓉照彭蠡低低茅屋溪澗濱墨樵更寫  
先生真千章古木一藜杖毛骨自是仙中人塵緣  
淨盡丹砂熟蒼虬停飛虎亦伏山童卷取琅函經  
縱有黃庭不須讀烟霞此樂真不迂臨風卻作長  
嗟吁十年未得還初服蕙帳石室今何如先生歸  
來早卜築我亦同棲此山曲便煩作賦邀墨樵更  
與泉南數竿竹

南京行

南京自古說豪雄遠勝秦中與洛中吳越千山高

拱北巴江一道遠朝東秦淮水入丹陽郭北固城  
連六代宮岌峩石頭如踞虎逶迤鍾岳似盤龍  
樓鳳閣天中起萬戶千門霄漢裏太乙勾陳紫極  
通翔鸞舞鶴珠峯峙卻日觚稜駕寥廓行空複道  
侵箕尾仙掌銅盤玉作流靈芝華蓋霞爲綺華蓋  
靈芝粲綺霞御橋金水正當衙五門彩旭朝天仗  
馳道香風散日華細柳千章爭拂地嬌鶯百轉競  
啼花紫電龍光飛武庫雕甍甲第列侯家侯家卿  
相真才彥玉笋蟬聯奉天殿屈宋摛文入石渠韓  
黥耀武專方面黃閣承恩宣雨露烏臺執法行霜  
霰環珮聲清散早朝葡萄酒綠沾春宴春宴春風  
坐百花歸來里巷闢香車金張富貴人爭羨王謝  
風流世共誇隱約商笳隨赤羽葳蕤大纛映彤牙  
盤陀寶校光前導組絡鳴鑣隘狹斜斜西下通  
三市紫霧紅塵拂天起南陌東廂馬似龍烏衣朱  
雀人如蟻爭看買珠輕薄兒亦訝探丸游俠子猶  
懷鳳臺醉李白無復新亭泣周顛井傍美人悲麗  
華道上行人譚結綺結綺臨春總可憐龍河一帶  
但寒烟天界叢林開象魏冶亭高閣艷神仙神仙  
盡是蓬瀛侶更畫秦臺玉簫女渺渺青鸞月下來

飄飄彩鳳雲中舉別有青樓大道旁烟花  
成行飛瓊裊上翠羅袖小玉峨峨紅粉粧小玉飛  
瓊兩少年清歌妙舞鬪嬌妍舞態盤迴芳樹底歌  
喉宛轉落花前彩雲作雨朝朝合璧月流光夜夜  
圓朝朝暮暮長如此秋月春花若流水去歲今年  
景不殊南來北去人相似生綠羅屏遮上客流蘇  
帳暖邀公子爛熳三春錦繡城空濛一片笙歌市  
繁華佳麗樂無邊我獨胡爲困一塵已似楊雄棲  
白屋還如司馬卧文園誰將積業三千牘換取楊  
州十萬纏桃李風前歌扇底看花騎馬過年年

虹縣行

虹亭村落如秋花十里五里方一家山城縣治開  
草屋草屋低窄旋桑麻丁男當官應徭役婦女看  
家種山麥汁溝淤塞無稻苗麥足家家黍爲食野  
桑養蚕收繭絲棗根染絲來作衣秋湖水落蓮芡  
盛臘月雪深鶉兔肥歲時澆酒五月暮但願開雲  
雨如注蚕成麥熟官事閑柳堤人唱桑陰樹

平原行

古原縣郭如荒村家家草屋荆條門自罹  
復業千家今有一家存稚子採薪割蒿莖

筐拾梨棗丁男應役不在家長駕牛車

河水涸無魚蝦居人七月方食瓜人烟星散  
集棠梨苦葉烹為茶凌州九月官稅促黍子在田  
猶未熟春霜夏旱蚕事空不賣新絲賣黃犢銀河  
七夕如水流明年麥好君莫愁

平原田家行

零星矮屋茆數把散住榆林柳林下磊墻遮雪防  
驟風婦女頽垣拾磚瓦黃牛買得新墾田土戟犁  
淺牛欲眠古河無水掛龍骨自縈蒲繩探苦泉山  
蚕食葉黃繭老野火燒桑柴樹倒四畔靈雞喔

九月霜風落紅棗春絲夏綃輸稅錢木綿紡布  
寒暑穿夜春黃米為新酒學唱清商作管絃平田  
早多麥少熟杏盡梨枯惟食粟衣粗食惡莫用悲  
猶勝北軍離亂時

驪山老妓行

補唐天寶遺事  
戲効白樂天作

秋風楊柳凋金縷冷露芙蓉落芳渚寒香晚色何  
所如驪山唐姬教坊女蛾眉淡掃山遠碧蟬鬢半  
拋雲亂吐時粧無復新妖嬈曩態猶存舊嬌嬈我  
昨咸陽縱冶遊冶遊爛熳遍西州青山直  
闕綠水橫過五鳳樓南國佳人金錯落長

玉驂騮銀壺送酒青絲絡皓齒當筵白雲

橫笛空聒耳唐姬搗箏妙無比清彈一曲

呼喚百迴纔強起移柱相參鴈成列調絃未就人

先喜俛首斜拖珠步搖向人高露春纖指樓高韻

發響泠泠急管悲歌一霎停初聽乍如風雨至再

彈還作鳳凰鳴清如玉女鈞天奏壯似雕戈出塞

聲澗水帶冰時哽咽春雷震石忽憑陵憑陵未已

旋清悄清悄漸凝聲漸小四座無言俱寂寥餘音

已斷猶縈繞溶溶宛宛復悠悠切切淒淒還窈窕

深閨斷蚓怨寒宵淺谷嬌鶯破春曉纏綿萬恨與

千愁婉意柔情不肯休蔡琰胡笳悲紫塞班姬團

扇掩清秋樓前皓月明如練天外行雲凝不流促

拍未終南內曲新腔忽過小梁州梁州一摺月向

午唐姬此時心獨苦銀甲悲深不忍彈衷腸斷盡

無由語低籠翠袖搵香泪翻使歡娛變淒楚訴盡

平生富與貧可憐人世今成古憶昔開元正太平

兒家生長在天京十三學舞曾驚座十四搗箏能

擅名玉貌羞花長窈窕宮腰怯柳更輕盈春水不

離鴛鴦枕日晏方開孔雀屏五陵年少秦

愛兒家好顏色帶雨尤雲最惱人追歡買

直聲名每出流輩上風致獨覺旁人惜承

登掖庭宛轉隨龍侍君側海晏河清久息

賓貢盡充庭炎方已見來丹荔交趾還聞進雪鷄

耀日香車連紫陌飛雲畫棟列朱甍空濛一片笙

歌海浩蕩三春錦繡城驪山山上多樓閣萬戶千

門通碧落大駕深居在九重四時多暇惟行樂已

營連昌勝結綺復起芳鳳齊花萼壺飛玉女迺更

籌舟戲金龍動鱗角侍臣傳勅選嬌容特許兒家

步輦從宮扇影移花雨外山呼聲沸錦雲中千株

火樹爭明月萬炬金蓮鬪彩虹子夜歌詞翻白雪

霓裳舞隊散旋風歌停舞歇徘徊久銀箏獨進纖

纖手明眸麗質一當前含顰美人俱在後數聲清

響動絃索八面涼風生戶牖豔曲新裁萼綠華中

官催賜葡萄酒年年秋月復春花多在宮中少在

家嬌笑不愁宮監怒艷粧長得阿姨誇朝遊複道

瞻天表夜步西廂拜月牙鬪草經春陪號國藏闈

竟夕伴昭華韶光忽逐流年轉野鹿嘶花上林苑

鍊騎東來鳳闕空金根西狩蛾眉遠上方無復聽

宣召新籍寧辭避差遣約臂金環兩雪寬

襪風埃蹇星移物換得無情復向驪山消

禁無人芳艸合瑤堦兩過綠苔生歌臺索

樹舞榭蒼涼月半檣繡閣秋陰連瓊闥銅

落金莖高梧墮翠蓮飄玉太乙勾陳者不足日子

樓寒霧影昏長生殿古烟光綠宮牆瓦落見蒿萊

輦路塵生走麋鹿舞馬雕床惱夢思花奴羯鼓驚

心日故宅新人作宴遊內家紅錦列纏頭珠簾綉

柱俄成夢鳳管龍笙總是愁舊曲聞來眉自歛盛

年說著口應羞飛蓬短髮難禁白老屋疎茅不柰

秋舞衫長借鄰人着同伴相呼只推却臉玉香隨

翠靨消淚珠暗逐燈花落憂來倒插黃金鳳夢裏

時彈白翎雀百感中來不自由芳心一片從誰托

唐姬言語一何長句句凄其字字傷滿座聞之聲

唧唧沾巾我亦爲浪浪滄桑轉瞬誰能識富貴浮

雲安可常覽鏡每聞悲素髮舉杯長欲勸流光唐

姬亦莫懷抱惡自古佳人多命薄傾城西子逐鷓

夷絕代明妃嫁沙漠尊前有酒且懽咲身外閑愁

竹真漠皎月秋來幾度圓穠花春盡從渠落唐姬

攬涕復陳情請作驪山老妓行桃李風前霜尸下

長吟亦足慰平生不因水上琵琶語那識

馬名爲爾臨風歌一曲百年哀怨起秦箏

余既作此詩本戲筆吟弄以爲懽

客有問余者曰子詩淺易明白恍

然用事不免多誤上林苑是漢家事白翎

雀是世曲子百子花萼樓恐不在驪山上

如何余笑曰那知許事且啖蛤蜊西山朝

來頗有爽氣

### 高昌老翁行

高昌老翁背隆然黃鬚高鼻毛髮拳自言少小家  
幽燕生長適值繁華年出身從戎事西邊十七八  
九南營田雕戈如雲護中堅流蘇帳暖垂蜿蜒三

珠虎符誰喜懸偏裨盡戴黃金蟬軍中無事惟游  
畋錦袍白馬青連錢胡鷹一掣冲九天駕鵝洒血  
來連連夜闌愛月醉不眠衆賓呼盧各爭先輸籌  
唱飲開錦筵美人照座紅娟娟涼州葡萄斗十千  
金盤丹荔明珠圓野駝之酥香不膾爭持寶刀誇  
割鮮忽爾不樂心悄悄琵琶催張鳳凰絃織歌一  
曲清聲傳華嚴天魔開采蓮美人起舞闔媽妍腰  
肢宛轉飛花旋玉釵斜橫翠袖偏春風徐來拂筵  
前此時意氣如熊虎伯仲聯翩享珪組青雲上  
高楚楚却笑旁人不好武一朝零落來南髮

蕭蕭守環堵北風怒號朔雪舞羊裘無溫  
人間俯仰成今古老翁無乃獨愁苦霸陵將  
征虜青門秦侯亦開府浮榮飄風何足數

碌碌行

寄保昌縣丞董豫

碌碌復碌碌驅馳半世爲斗粟去年臘盡江左邊  
今春又駕江南船家貧每畏別離苦不知携累還  
顛連炎雲四月閉門道青泥滑滑雜流潦黃梅雨  
裡鈎輒啼瘦妻前僵子後倒君時相見能相憐自  
出床頭官俸錢東家蹇驢覓借我使我枯槁回春  
妍貧賤結交常草草多難逢君識君好不得與君  
長周旋閉門長望令人老

### 湖州樂

湖州溪水穿城郭傍水人家起樓閣春風垂柳綠  
軒窓細雨飛花濕簾幙四月五月南風來當門處  
處芰荷開吳姬畫舫小於斛蕩槳出城沿月回菰  
蒲浪深迷白紵有時隔花聞笑語鯉魚風起燕飛  
斜菱歌聲入鴛鴦渚

### 雲南樂

成都賈客向人語黎州多風雜多雨雪山  
不消山下四時風氣暑竹林西畔是雲南  
論冬

夏披氈衫蠻官見客花布襖村婦背鹽青 籃繩  
橋跨澗石截紫部落馬蹄皆灌鐵引筒潰  
行插木入崖防棧絕卽筒酒熟蠻人歌太平人喜  
無兵戈懸車不成相公嶺賣馬安行大度河牛纓  
換貨躋印竿路出彭門緣劍閣火井秋篁截洞簫  
幾腔吹作雲南樂

西菴集卷之三終

西菴集卷之四

七言古體

閨中聞子規

交疏日射房櫳曉碧樹初聞子規鳥驚回殘夢了  
無歡慘切春愁破清悄獨宿何曾下繡闌寧勞勸  
我不如歸鶯花爛熳江南道好向遊人醉處啼

晚發英德

山城斗大臨江橫數椽茆屋炊煙青炎風吹杜桂  
花落斜日倒影滄江明滄浪萬頃舟如葉  
子規  
橈歌激烈一篙新水靜悠悠今日江頭雨

孫西華集  
卷之六  
贈端孝思

端郎白晢如冠玉葩辭麗藻撐滿腹生來亦作  
品官聲價蚤已驚流俗阿翁舊日尚書郎出領方  
鎮專衡湘掖垣休暇會賓客冠帶楚楚盈華堂憐  
君三十猶未娶却向窮簷守章句紛華滿目何足  
云昔者炎門今不遇楊花三月石城西翠袖紅裙  
滿大堤良辰歡笑暫行樂永夜索寞猶孤棲興來  
呼酒秦淮屋宣州雪梨如碧玉坐中北客爲燕歌  
歌得前朝數般曲看君顏面人中英暫時遜縮非  
避名鳳雛未必老丹穴謝安亦豈忘蒼生玉堂學

士龍門叟日日談君不容口振翮青雲諒匪遙與  
君且盡杯中酒

贈高彬

高彬魁梧身七尺秀眉豐頰仍廣額幾年共食越  
江魚此中同作鍾陵客鍾陵上國要路津出門大  
道連青雲交遊脫畧舊時輩拜揖盡是英豪人小  
年一字都不識近日能詩善讀易看君意志肯如  
此世人見者誰不惜平生於我最知己旅邸浮沉  
托生死得錢慷慨即相贈歸家不問妻與子玉壺  
美酒桃花春醞歌每到清夜分衝人俠氣

歐陽解

不信窮愁如有神人生窮達何足道微名世須  
亦早但憐零落故山雲未得相從逐幽討

送何三元帥北上

春風吹花江水波江頭楊柳綠差差臨岐送別增  
慷慨我與何郎情最多何郎昔年十六七明珠虎  
符光照室錦臂蒼鷹掣暮雲青絲白馬嘶晴日此  
時我作座上賓星樓月帳長相親班超英傑耻投  
筆孫楚兀傲猶參軍何郎嚴親初入覲何郎笑解  
封侯印鵠血弓鞘蒲壁懸青門瓜地從人問今年  
會晤蔣陵西爛熳鶯花醉欲迷梧桐葉落鳳臺曲

楊柳烟籠白下堤何郎於我情最厚此別寧堪酌  
春酒平原北上路迢迢白鴈南還寄書否

題昭陽草堂手卷

爲增城縣丞謝英賦

太傅風流一千載烏衣朱雀今誰在何時文水見  
文孫玉樹亭亭繼光彩茅茨還枕小東山山下銀  
溪玉作灣不獨澄江靜如練金屏想像女花顏陂  
塘別墅恣情適蕩漾寒波映空碧隱隱疑聞躡屐  
聲青青似帶羅裙色羅裙翠帶總相宜君家兄弟  
况能詩細雨蛙聲來坐席淡雲疎影落連河南陸  
作郡無復意那更旁人知許事訟庭窄狹西溪水

孫西齋集 卷之四 三  
日倩鷗群伴清致清夢迢迢若箇邊鳴蜩似變柳  
盈園詠歌未必慚康樂俊秀真堪比惠連心連別  
來年歲久夢裏知能相見否且停憶草遠生愁便  
可巡池酌春酒伯仲聯翩珪組才声名遠播鳳凰  
臺暫時分手何有哉行當聯袂赴青瑣學柴桑  
歸去來

題高彬白雲山房手卷

高彬昔年喜學武七尺長軀力如虎往昔追強過  
營門日來從戎事藩府錦袍白馬鐵蓮錢騎將校  
獵城南邊鼻頭火發不知熱耳後風生猶着鞭秦

楚山川歲華改萬人零落惟彬在腰間不插黃金  
符却向詞林學文彩白雲遠在藩府陰彬馳匹馬  
恣幽尋秦臺古樹掛秋色遶澗流泉清客心娛遊  
日夕歡不足更傍山腰結茆屋多種琅玕引鳳凰  
大開門徑邀麋鹿兩龍歸洞白雲閑靉靄綿聯窓  
戶間月映餘輝長不夜雲拖暎靄似巫山山中白  
雲如白石高彬與雲同枕席雲來萬樹似開花雲  
去千岩同一色何年作客帝王州却按新圖憶舊  
遊紅樹不知淮水晚白雲遙認故山秋故 白雲  
長自好且莫看雲被山惱他年謝病解朝 我亦

孫西華集 卷之四  
從君拾瑤草

會鄉友

京城客至沽新酒  
旅邸蕭條百無有  
秦淮釣得槎頭鱸  
旋學吳中膾魚手  
此時懷抱同君開  
况有同門故舊來  
醉裏時忘蔣陵道  
夢中猶記荆王臺

送張仲庸歸陝西

虹亭臘月天欲雪  
洪州旅客歸心折  
秦關遠在黃河西  
行李蕭蕭待明發  
憶昔長安全盛年  
君騎白馬錦鞍韉  
五陵花月映紅袖  
京兆春風搖玉鞭  
年光去去如流水  
華髮棲遲簿書底  
却隨征鴈向南雲  
三載離家數千里  
浮雲往事復誰論  
近喜天書出午門  
垂簾事簡得休暇  
歸訪商顏山下村  
臨岐送君飲君酒  
五女峯頭握君手  
壯君行色百無有  
明年二月君到家  
寄聲為道平安否

送高文質遊杭州

君昔從戎佐南伯  
歸朝名在驍騎籍  
有句或鎗能跨馬請官得  
應長番役繁華  
三月帝皇州  
馳道千花過  
棗騮豪俠應憐白  
日晚狹斜還  
作少年遊玉瓶一雙和酒絡  
九陌三衢縱歡譁  
白雪騮兒翠毯鮮  
石榴裙子春紗薄  
今晨告我武林行  
一水圖書

子西集  
卷之四  
畫舸輕賓客追隨白下里鶯花明媚石頭城蘇堤  
雨餘春水長三高祠下聞漁榜冷泉濯足風歸  
野寺哀猿共僧往可憐雲水空西湖畫船邇來一  
隻無沉酣久矣厭流俗清冷正可娛潛夫武林舊  
日豪華國一一煩君吊遺跡明朝白馬城波濤前  
代銅駝卧荆棘銅駝翁仲事應非惟有孤山似去  
時君行若過逋仙墓折取梅花一两枝

異橘圖

憲郎高隱林泉日種得江南幾株橘春日熒熒吐  
瑞花秋風磊磊懸嘉實去年起作京華遊臺端六  
月如九月烏啼翠栢玉柯冷鶴唳壁山琪樹秋  
來風景慰吟日依舊繁陰蓋書屋萬顆重垂丹井  
黃千頭丹結龍洲綠綠映紅稀壓四鄰洞庭隱映  
波粼粼羲之帖就霜凝筆巴叟棊敲香滿身廣文  
有才過屈宋解撰王孫楚聲頌煩君採摘籠白鷺  
載酒談玄作清供

白雲山

白雲山下春光早少年冶遊風景好載酒秦陀避  
暑宮踏青劉鋹呼鸞道木綿花落鷓鴣啼漢臺  
前日未西歌罷美人簪茉莉飲闌穉子唱鉦鞞繁

華徃似東流水昔時少年今老矣荔子揚母幾度  
紅柴門寂寂秋風裏

桑梓圖

爲左布政  
徐本賦

君侯早歲逢間關聲名出鎮三楚間江湘霖雨起  
諸葛環堵蒼生思謝安憂時兩鬢颯猶紆揮日孤  
衷明獨丹笑揮霜蓬向戎壘倒挽銀漢清八寰功  
成入奏麒麟殿中外好官敷歷遍才華已羨冠西  
曹丰采還來照方面荔枝香凝粉署戟枕柳影入  
薇垣旬憑高作賦羨才華柱笏看山憶鄉縣鄉縣  
迢迢路幾千齊安遠在長江邊石牛青嶂接巴蜀

螺湖綠水通湘沅鷗飛竹樓笑傲吏鶴過赤壁懷  
詩仙迴廊忽披生色畫一幅鸞湖萬金價書屋斜  
連洛浦陰漁船暝泊臨臯下天低故壠鎖松栢秋  
入平田熟禾稼征帆去住却無情王事執掌何由  
暇皇恩詔錫許歸榮稚子牽衣父老迎更植社蓮  
招惠遠添栽徑菊學淵明香醪再潑新醅白斷綺  
重尋舊譜聲匡濟老臣心未減却從江國望神京

題石城秋晚圖

送人歸  
金華

金華才子天京客登眺京城壯心魄鍾嶽群峯紫  
翠開巴江一道東南折石頭艇子泛中流白紵清

歌起莫愁雙闕五雲籠  
建業三槐萬樹接揚州  
烟景清清何縣邈  
對面楓林更蕭索  
月落烏啼北固城  
潮生鶴唳丹陽郭  
懷親作賦已堪憐  
更托新圖與代傳  
瓊珮暫辭丹轂下  
斑衣歸舞鯉庭前  
遠歸去去毗陵道  
歸日還應及冬早  
冰下寒魚暫可叉  
霜餘榭葉行堪掃  
天官若奏選材臣  
應念詞林卓犖人  
君往承顏多暇日  
看花重入帝城春

西塘圖

為姑蘇吳隱君題

放臣海曲懷京華  
孤旅天涯念鄉國  
誰傳此意入圖畫  
令我一見三嘆息  
毗陵野老吳中人  
舊與季

子曾相親太湖三萬六千頃  
蕩漾咫尺閶門雲  
姑蘇臺荒烟樹綠  
下着詩翁數椽屋  
涼風洲渚芙蓉開  
細雨林園木瓜熟  
畫船過鼓海天晴  
越文新裁白紵輕  
館娃宮暗暮雲合  
子夜歌闌春水生  
季家風流誰與比  
况是吳興外孫子  
曲几時攤舊賜書  
牙籤滿插前朝史  
南來無復少年狂  
茅簷低低一炷香  
又嫌塵居隘容膝  
更置別業開西塘  
西塘隱約湖山曲  
塘邊還種虎丘竹  
對酒菰蒲照座明  
捲簾鷗鷺當窓浴  
此圖風致真可人  
點染直欲窮天真  
平子愁來獨長詠  
張衡老去誰為鄰  
吾觀季子

好風骨正好還家及秋律筆牀茶竈逐天隨蓴菜  
鱸魚莫相失

贈皇甫隱士文遠

群英濟濟登廟堂無復幽人卧空谷胡為尅帶隱  
塵市有似山海遺珠玉先生風度與人殊面如頰  
玉仍禿鬚侯門不掛一步脚厭殺人間咕囁儒蔣  
陵白下清溪曲垂柳踈踈數椽屋芸窓磊落一萬  
卷客去自倚風軒讀秦淮買竹起高樓興來酌酒  
樓上頭科頭舉白亂浮客胡琴羌笛聲啾啾朋賓  
自飲還自散先生醉眠忘早晏蒲葵巨扇醉不一

人定鍾闌始知飯沉酣本以陶性靈有時兀坐還  
惺惺屯蒙火足金母肅卦氣白白升黃庭看君出  
處有妙策為人不遷亦不激隨時無恠互隱顯意  
欲不遣人人識我作初交沈逸民卜居遂與先生  
鄰雪中長跋東郭履花下時掛淵明巾生平落落  
人少喜先生一見便知己非因性情酷相似安得  
傾倒能如此居安食飽即為家山林未必強京華  
君不見西湖處士骨已朽至今惟有寒梅花

題黃萬戶德清羅浮圖

將軍昔年在東都虎頭鐵面專城居重營柳暗流

蘇帳左掖花明金虎符東都郭外多林壑將軍公  
餘事行樂露冕旌幢隘北山行厨賓從如東洛紫  
雲白雲千萬峯羅浮更在二雲東古木千章排疊  
巖飛泉百道瀉晴虹僊家洞天三十幾羅浮巖出  
滄洲裏紫極房攏倚日開蕊珠樓觀經天起滄霞  
道士不知年夜禮星辰誦內篇龍種玉芝耕赤谷  
鶴啣瑤草下青田將軍此時事幽討追攀極欲凌  
穹昊扶桑縹緲徐福舟輦路依稀漢陵道別來倏  
忽幾冬春京洛相逢車馬塵石室琅函仙夢遠朱  
衣瓊珮歲華新新圖誰爲將軍摸點染猶能記縣  
門過琪花定滿壇星沉寶氣應連閣我與將軍  
總可憐遠遊經歲復經年羅浮清賞如堪載同賦  
陶潛歸去篇

贈關元帥景熙

君在前朝帥東閩虎符三珠秩二品轅門裨將懸  
金章黃頭奴子州縣尹楊僕樓船下瀨時君隨左  
相入京師端門萬錢宴珠履輦路千花明錦衣天  
官宗伯司邦典藻鑑論君第高選君言下國羈旅  
臣生來好武文筆淺願縮銅章佐北征還來作吏  
錦官城宣勞豈言爵高下貴在晚節完虛名歲華

荏苒容鬢改朋舊飄零蒲湖海星辰霜木餘幾人  
我與蟾溪老高在前年佐縣淮山陰今春待詔入  
詞林比來奉節領祀事會面錯愕驚愁心郢筒新  
酒凝寒翠清夜懸燈共君醉醉來自起彈鳴箏一  
曲清歌數行淚有歌有酒君莫辭人生會遇信有  
時百年莽莽任所適不必借箸籌前期但憐奔波  
稀會面此去何時復相見明朝掛席下瞿塘我似  
伯勞君似燕

戲贈端孝思

君不見長安遊俠兒銀鞍白馬青春時朝出呼盧  
夜飲酒美人娟娟照窓牖若爲君作梅花仙不  
桃李爭春妍臨流自敞書畫軒獨夜可憐邀月飲  
一春長是背花眠

送何都閩濟南省親至京還廣

伊昔關河事征戰君家嚴君擁方面君拜元戎領  
大藩虎旗耀日光於電北山之北南河南鯨波虎  
壘相巉巖轅門上日開將閩白馬朱纓銀作銜軍  
中呼盧日向午錦筵置酒夜擊鼓龍潭降卒解西  
歌翁源女兒學東語有時俘賊珠海頭海門六月  
如九秋牙旗揮天虎豹怒霹靂迸火魚龍心銀漢

淋漓洗穹昊嚴親入覲承恩早角巾還第誰最高  
君與君家兄弟好竭來寧親東入齊歸舟一繫蔣  
陵西鶯花爛熳春如海歌舞流連醉似泥蟾溪高  
彬故部曲開宴斗門橋下屋宣州梨子鶯兒黃吳  
姬指纖白如玉酒酣耳熱悲故鄉孫晉在座情更  
傷關河北去五千里目斷南天如許長秦淮水生  
風似雨十幅蒲帆醉中舉龍灣江口辭故人小孤  
洲北失前侶知君第宅遠西湖門對羅浮列畫圖  
梅花白白想猶昨蘆橘青青今有無三郎今年三  
十幾平生與晉最知己明歲春還若寄書玉堂

館西清裏

送友自餘杭歸富春

君住西湖已清楚胡爲更憶莊遵渚歸舟昨日凌  
天風湖水秋風似秋兩憶昔任遊載酒行畫船爲  
屋花爲城銀箏度曲對豪客紈扇題詩招小瓊小  
瓊雲鬢十八許自按紅牙歌白紵歌罷流雲咽大  
堤舞回落日低南浦高陽酒徒散如雲君亦携書  
隱富春俠氣未全消野興青簑聊復謝塵氛富春  
世外真林壑不比西湖近城郭楊柳當門春正深  
珊瑚拂袖花初落英髦豈必老江濱天上應須有

故人重着羊裘趨鳳闕還將高卧動星文

代內贈別 二首

君之去也青驪之駟不可追妾之留也凌波之襪  
不可隨僕夫倉黃戒往路斷柳錯莫留殘暉玉觴  
行酒和淚血問君此去何時歸何時歸亂心曲春  
風看盡長安花莫道新人如美玉

君不行兮夷猶長風颯颯林木秋歲云暮矣白日  
晚君之行也不可以久留山川悠悠靡終極獨立  
空閨長嘆息臨岐不得逐行踪別後相思復何益  
水中摸月那得輪鏡中照影那得真百年長是遠

離別冤夢相逢那得親

往平原別高彬

銀壺綠酒沾春宴環珮朝回奉天殿平生不作兒  
女悲獨向高彬淚如霰高彬昔年桑梓雄好賢乃  
有古人風東林詩社靜來結北海酒樽長不空竭  
來弓劍已蕭索短髮如絲猶好客塞上葡萄火齊  
紅宣州梨子鶯兒白沉綿不獨重相知文采今還  
勝昔時小樓焚香每讀易淨几把筆常題詩今晨  
我作平原別高彬不意情欲絕芙蓉香冷不堪贈  
楊柳枝黃未宜折龍灣江口石城頭一幅蒲帆萬

孫西齋集 卷之四  
里秋暮雲紅樹儻相憶應有音書慰別秋

寄訶林長老明靜照

龐眉老僧無住着不問山林與城郭談禪到處即  
跏趺白晝天花如雨落心知一境萬緣空靜與晴  
霄海月同錫振春山常伏虎鉢含秋水自藏龍問  
師今年僧臘幾手種蒼松舊松子松身已作蛟龍  
鱗定中一念猶未起白石垂蘿淨窈冥爐香一炷  
兩函經澗猿時擎野果供山鬼或倚寒巖聽荷爲  
袈裟荔爲帶世人見者皆再拜師言是悉有漏因  
我今已入無色界十年奔走亂如絲對榻空論不

遂期每歎道緣於世淺惟師與我最相知

寄羅都事文章

梁侯昔在東藩時分符帥閩兼左司君爲幙府貴  
賓客咳唾一落成珠璣君年於我當父執我纔弱  
冠君六十惠然下作忘年交令我夜夢生搗挹靈  
鰲峯在江水邊清賞幾時同周旋題詩秋寫鳳林  
竹載酒夜泛蘭溪船蘭溪溪水清如練興盡回船  
復開宴水底潛蛟聽鳳蕭波心皓月搖秋扇梁侯  
權勢盛莫當偏裨小校皆爲郎惟君與我得禮貌  
過者嘖嘖盈路旁別來風物何可道華表青青但

春艸我騎驪馬走西東  
梁侯去矣君亦老  
人生本是風花枝  
升沉聚散何足悲  
優游晚歲謝微祿  
儻得從君林下期

送都大尹

使君家住餘杭曲  
年少狂遊事追逐  
蘇公堤上夜浮舟  
越王祠前朝擊鞠  
餘杭山水綠葱蘢  
一片西湖照晚空  
桂棹影搖桃葉浪  
菱歌聲徹竹枝風  
高陽酒侶動盈席  
使君丰儀偏白晳  
湖光山色靜娟娟  
秋月冰壺影相射  
折節年來學讀書  
褒衣章甫逐群儒  
已超藝苑時流上  
復耻陳編章句拘  
年紀今年三十七  
風流衆中稱第一  
有才作縣寧以勞  
銅章綠綬湏暫屈  
石頭艇子泛清秋  
曉發金陵信下流  
已逐行雲經北固  
還隨輕浪到瓜洲  
生來我亦悠悠客  
邂逅論文心莫逆  
家住江南五千里  
送君又過江之北  
秋風淅淅江水波  
君行我留可柰何  
長亭日夕一壺酒  
從此關山魂夢多

贈虹縣顏景明

淮陽老人讀周易  
風吹鬢絲人不識  
興闌移席傍寒梅  
雙眼如猫對花碧  
天風毛骨江海仙  
偶來花下同清綠  
凌雲文采鳳凰見  
照室丹光龍虎全  
清

琴調古無人讀且可開樽掃茆屋胎禽起舞和雲  
謠山月光於畫樓燭

送虹縣尹陳景明

甲寅三月春欲盡我來洪州尋吏隱芳聲令譽誰  
最多太丘之孫陳大尹大尹昔是會稽八文早破  
的推殊倫奉天門下拜天子來作洪州司土臣文  
章固自不必道爲官作事仍更好閭里小民持牒  
來撫摩直欲置懷抱洪州昔日盛繁華大尹來時  
一百家稍闢坵墟攢井里旋披荆棘樹桑麻桑麻  
春深滿地黑更掠浮泥種牟麥接舍雞鳴桃李場

生甃大吠藩墻側祭社扮榆簫鼓鳴群農皆醉吏  
獨醒群農有酒只自飲相見不揖亦不迎官清事  
省無鞭朴縣治門前可羅雀種柳寧慚日老陶栽  
花直欲強潘岳父老皆言大尹賢願留大尹更三  
年政成入覲不可往百里盼望心悄悄單車就道  
虹亭曲卧轍板轅淚相續囊裏時無劉寵錢車旁  
肯掛時苗犢三年俸米鶴同食焦尾琴輕古錦寒  
蕭然行李可一笑羸得車中裊面寬芙蓉花開亦  
已謝十月清霜被平野何因欲去更遲留父老相  
看不相捨黃河近日漲淮流車到淮陽當換舟送

行父老在平地處額先作風波愁跨淮浮橋有客  
路我教兒男送君去便從淮右向琅琊却望母陽  
登北固北固青山連石城城南之下是天京仙臺  
浮雲樹萬直帝里旭日千花明看花騎馬金陵道  
金陵行行湏及早知君富貴心淡然功名得後亦  
良好宗伯金門奏美除政湏賢令立高衢天京到  
日知安穩多寄洪州父老書

送翰林典籍張敏行之官西上

燉煌城下沙如雪燉煌城頭無六月關西勁卒築  
防秋捷書夜半飛龍樓九重下詔徵貔虎推轂上

將開都府黃旗捲日大軍行旄頭化石夜有聲燉  
煌迢迢五千里十月即渡黃河水上将翩翩才且  
雄平戎不數貳師功叱咤猶在輪臺北疋馬已入  
渠黎國左校偏裨晚射鷗倚鞍醉索單于朝西山  
黑風吹墮瓦霜角吹秋塞垣下太平今見遠宣威  
君往從戎幾日歸幕下文儒兼解武詞林從此耀  
關西

送崔振宗

入幕初拋憲卽粟芙蓉照水槎紅玉鶚書迢遞吳  
山雲孤棹夷猶越江曲龍江二月千花繁好客元

戎開酒樽花前岸憤一回首應識前朝丞相孫

捕魚圖

小孤洲前春水綠泛湖小船如小屋白頭漁父不  
解愁往來捕魚湖水頭得魚換米納官稅妻孥衣  
食長優游大兒十三學網罟小女七歲能搖櫓江  
口賽神夜吹角村邊賣魚朝打鼓雨來維稍依古  
岸風起鳴榔入長浦荻芽短短桃花飛鱖魚上水  
鱖魚肥膾魚燒筍醉明月蠻歌唱和聲咿咿月明  
在天光在水但願年年只如此無風無浪安穩眠  
湖中有魚魚得錢

過隋宮故址

伊昔隋家全盛年周陳部曲按三邊端門徹夜笙  
歌合琪樹經春錦綉纏經春錦繡何搖漾別有迷  
樓九霄上連拱飛甍次第開朱簾綉柱森相向樓  
中美女花慈寵寫翠圖黃映曉空壁月瓊花新態  
度臨風結綺舊丰容碧山螢火光於電更傍沉香  
山底宴窈窕清歌來夢兒輕盈妙舞蓮花旋行樂  
還來爛熳遊天京移蹕望揚州高起離宮連鳳闕  
斜穿汴水入龍舟龍舟錦纜映牙樯玉簫金管切  
雲長仙禽自蛻葳蕤羽野鳥還爲鷺鳳翔棹歌楊

柳春風晚扇影芙蓉秋露香芙蓉秋露香飄玉臺  
榭俄成走麋鹿翠華夢斷雷塘路鉄馬聲喧太行  
麓遼東浪苑鬼啼道馬上夜遊誰度曲燕泥時自  
落空梁庭草無人隨意綠繁華堪羨復堪憐高塚  
麒麟若箇邊古路斜陽懸木末寒鴉流水遶村前  
荒基遠對唐陵樹斷碣猶存大業年往事悠悠誰  
與共臨風爲爾一潸然

題堵法曹文明所畫匡廬圖

墨樵仙翁髮垂耳少年嗜畫今老矣山雞野鹿是  
前身每見青山樂忘死高堂醉掃匡廬巖香爇縹  
緲生紫烟我来一見倍相識彷彿偃卧彭  
孤魚肥春酒好何當舉白醉五老芙蓉倒影月出  
早與君同上樂天亭令人夜喚琵琶聽

次李陽河

橈聲咿軋如人語魚吹浪花作飛雨停船把酒酌  
孤山頃刻回稍失前侶危樯五兩飛向東李陽河  
水起西風江豚翻波出復沒舟人倚枕認晴虹秋  
雲陰陰樹葉脫樹頭黃睢猶聒聒明日雲開楚  
天

阻風雷港

秋霜夜落南港沙丹楓柿葉如春花江豚風應九

月節浦口獵獵吹蕪葭柁公移船出沙尾蒲帆逆  
風不得使聞鳴雙擄助咿亞鴈應中流水聲起白  
頭浪裏龍氣腥三日不到舒州城攏船把酒酌河  
伯爲問酒湧何當平九華山色長自好行人一見  
一四老

次武昌

大風吹船如馬走船頭水聲作牛吼掛帆初發岳  
陽磯轉柁俄灣武昌口武昌城頭黃鶴樓飛簷遠  
映鸚鵡洲漢陽樹白烟景濕行人如鷗沙際立江  
南風土寒氣遲居人九月着絺衣酒旗臨江開竹

屋當爐小姬能楚曲蜻蜓船尾旋回風今夕停船  
酒家宿

題錢叔昂瀟湘圖

遠山如游龍近石如踞虎秋陰迢迢樹楚楚乃是  
洞庭瀟湘之極浦西來白波浮太虛鬼物似與空  
濛俱潭深蜃氣結樓閣鮫人踏浪隨游魚織綃更  
泣明月珠綴成懸璫素裙襦九疑並迎翠華輦絳  
節影低群真趨湏臾長風起木末高林側亞葉亂  
脫浮雲散盡天宇豁雲水遙連帶青濶蒼松翠竹  
黯未分殘霞斷靄餘斜抹錢郎毛骨清畫此蕪衆

妙踈踈臨水花白白遠山曉恍疑一葉寒流中雨  
後開蓬展清眺日落君山吹鳳簫水雲相間作簫  
韶荒祠二女應魂斷試把芙蓉天外招

武昌別魯侍儀舍人文濬

嘖嘖復嘖嘖人生交契真罕得我居翰苑君儀曹  
幾載相聞不相識君名蚤已播南衢出入金門早  
奏書不謂同乘建業水還來共食武昌魚武昌魚  
肥春酒好竟日流連得傾倒黃鶴樓頭葉亂飛金  
沙洲上秋將老狂歌浪謔清致同看君更有古人  
風才如關西楊伯起性似城東陳孟公相親未幾  
還分手可憐新知樂未久君隨征鴈入巴陵我  
雲帆沂川口歸期去去各悽然今夕星河各一天  
秋晚還期來促膝與君同賦遠遊篇

次歸州

歸州城門半天裏白雲晚向城下起市廛架屋依  
岩巒婦女提嬰汲江水巴山雪消江水長城中夜  
聞灘瀨響客船樹杪鈎石稜漁父雲端晒繒網家  
家蕪田山下犁倒枯大樹燒作坭居人養犬獲山  
鹿稚子縛柴圈野鷄楚王臺高對赤甲四時猛風  
長颯颯柁工鳴板避漩渦橈聲搖上黃牛峽

過瞿塘

我本江湖遠遊子扁舟遠過瞿塘水瞿塘八月秋  
風生天上復聲落篷底鬼門關黑路險幽我行短  
髮寒颼颼洪濤搖山角井裂怪石觸雪電鼉愁冥  
搜欲極造化窟颯爽始可清毛骨朝衝袖弄珠  
宮夜瞰鮫人織綃室人生哀樂本無端歷此百折  
生淒酸橈翻健翅疾于鳥那敢此地長盤桓離家  
江月今三皎歸棹乘流湏及早布帆明日掛回颿  
晴灘水落漩渦小

贈成都畫者徐文珍

徐郎瀟散雲月姿早年讀易仍工詩金門獻賦髮  
種種天隨艇子天之涯黃牛白馬瞿塘峽兩雪蕭  
騷鬢毛颯馮虛歷覽更窮搜眼如肌鷹凍不匝竭  
來調笑諸侯門錦城住屋如住村撐腸拄腹何所  
有銀河百摺千崑崙酒狂興發一揮掃渺瀟雲烟  
塞晴昊黯入虛無鬼魅憐光奔霹靂神蛟倒烟收  
雲散江海空峯巒錯出金芙蓉恍疑八月十五夜  
一葉着我瀟湘中徐郎善畫世稀有同時誰復稱  
妙手豪家屏幃林壑間見者嗟吁不容口我謂徐  
郎莫自輕便湏濯筆寫蓬瀛層城弱水三萬里與

孫氏齋集 卷之四 三  
爾翱翔于玉京

鹽井

寒泓石底莓苔冷百尺長梯掛殘綆荒山寂寂無  
飛烟父老相傳古鹽井漢東漢西十萬家煮鹽射  
利爲生涯筠筒直下汲清泚出釜燦白口霜花太  
平幸觀烽火息十萬今無二三百官封此井不敢  
開歲歲渝州買鹽食

發忠州

顛風翻山雲黑黑星河無光江翁翕搖船夜半發  
忠州漩深浪緊船欲立宣公祠下灘嘈嘈船頭着  
水低復高石稜割裂箕斗影山鬼出雜魚龍號亦  
知風水奔回互王事有程那得顧誰歌太白蜀道  
難和我靈均遠遊賦

下瞿塘

我從前月來西州錦官城下十日留回船正值九  
九節巫山巫峽風颼颼人言灑瀕大於馬瞿塘此  
時不可下公家王事有程期敢憚微軀作人鮓人  
鮓甕頭翻白波怒流觸石爲漩渦柁公敲板助船  
客破浪一撇如飛梭灘聲橈声歷亂聒緊搖手滑  
橈易脫沿洄劃轉如旋風半側船頭水花沒船頭

半沒船尾高水花作兩飛鬢毛爭牽百丈上崖峒  
舟子快捷如猿獠攏船把酒聊自勞因咲輕生博  
竒好吟詩未解追謫仙天遣經行蜀中道巴東東  
下想安流便指歸州向峽州船到岳陽應漸穩洞  
庭霜降水如油

桂巖題王昌泰卷

桂樹叢生山之垵岩石磊落枝交撐隱如虬龍出  
滄溟玄雲盤盤團紫清源湫石底金飈生天香紛  
飄浩盈盈廣寒落陰湛空明五岳印影清岩亭珠  
光粼粼搖洞庭美女倒躡黃鶴翎玉簫吹秋入冥  
冥嫦娥酌以玻璃觥飛廉列缺撼不醒歸來芳洲  
呼禰衡記余天游神所經仙家篆作山中銘

題四川都府照磨陳庭學小蘭雪軒

鮮桃郁李烘錦城白雪幽蘭冷空谷喧譁綺靡人  
所羨君獨胡爲愛清馥君方少年富文采早入西  
清掌書牘天官宗伯司銓衡更佐邊臣鎮巴蜀開  
府同專三品印退食初架三椽屋既營蕤畹栽碧  
叢復對天花詠黃竹春還國香始吐頰飛霰尚集  
風軒曲丹雘着粉餘嫩紅劍葉堆瓊隱新綠一時  
芳致正稱妙更與千載相追逐魯連節操高摩雲

太白丰姿莹如玉玉堂學士今太史壯以詞翰盈  
篇軸龍鱗篆籀爭雪鮮金薤文章共蘭馥我亦能  
吟君好事好買溪藤數千幅聯篇寫作清風圖長  
使虹光貫岩麓

題綿州同知曾係古雪卷

左綿在巴西之西其西爲陰平又其西爲雪山  
雪山起南廬接北劔橫亘數千里四時巖岬皓  
白一色每歲六七月江流不雨漲涪陵激巫峽  
崩裂崖岸舟楫不得上下郡人曰西山之雪萬  
古不銷此迎日而化者其餘漸也望中瓊崖玉

樹猶凜凜自若焉歲八月予以太常之節監祀  
于西川會賢倅曾侯錦江之東侯蘇人也脩潔  
而文云在郡時開風軒解宇之曲當西山之麓  
公餘退食日與寒光灑彩爲對朋舊目其處曰  
古雪云邀余詩余爲賦曰

開風軒望古雪瓊崖瑤嶂千萬尋琪樹珠林互明  
滅此雪千年亦不消寒光灑彩長岩堯火雲六月  
爍金石勝六萬片天花飄曾侯仙中人胸次同皎  
潔公餘對雪開風軒岩壑窓扉兩竒絕高寒上與  
元氣通冰光百道飛白虹群真縹緲下遙夕高駕

縞車乘玉龍我昨神遊共清賞羽服脩七恣長往  
浩水花明載酒船天池月照披風斃蛾眉蒼翠接  
仙臺縹緲坡翁跨鶴來桃花犬吠空齋裏黃竹柴  
門君自開

題張侍儀貞白獨冷軒

留侯之孫瓊玉相脩然夏立洞八荒顏如梅花開  
曉芳曲眉烟霏婉清揚朗吟碧空古洞章飄風流  
鈴韻何長壁月瑩瑩夜未央天壇萬籟鳴清商歸  
來人間寄徜徉寒山洄谷開雲房層冰崕我照座  
光虬龍松檜交青蒼飛廉怒號滕六狂舞霰不作

天花香四簷銀竹声琳琅山鬼獨宿神蛇藏漁童  
樵豎凍欲僵先生兀然方坐忘虛室生白萃吉祥  
金彪不躍龍不驤華池神水淡汪汪開元丹田內  
焯煌幽齋無人隙軒窓雲封茶竈籠筆牀故人山  
陰回酒航老鶴赤壁愁橫江神遊清都朝帝鄉珍  
珠爲樓玉爲堂群真環珮叅翱翔皆騎素麒白鳳  
凰塵中六月川氣黃我行汗雨如迸漿桂舟無楫  
川無梁安得送我置汝旁衣之織女青霓裳酌以  
西母玻璃觴頓令煩歎化清涼毛骨爽颯三秋霜

題葉夷仲瞻雲軒

天台之山天咫尺葉侯家住天台裏侯家兄弟聯  
班行總以才名佐天子大侯作縣多政聲小侯差  
小亦作丞鄉人聚首作密語阿堵名門生寧馨名  
門寧馨相濟楚大侯好文兼好武小侯詞賦亦驚  
人五言七言追樂府天台本與仙家鄰二侯亦是  
仙中人芝蘭玉樹曉輝映桃花流水春風盪十年  
分散遊梁楚匆匆高堂日將暮大侯去家已可憐  
小侯在官心更苦日想嚴親髮已霜二兒有淚如  
迸漿凌風欲借隻黃鵠千里送兒還故鄉鄉中何  
物令懷羨雲去雲來千萬片雲來桑梓杳莫分雲  
去鄉閭隱還見豈無揚子屋三椽亦有蘇秦二頃  
田同居貧賤心亦樂富貴遠別徒悄悄三椽足以  
庇風雨二頃寧當代禾黍官遊經歲復經年胡不  
遄歸柰何許丹陽水通東浙河儂今欲度水無波  
石頭艇子無錢買雲去雲來柰爾何

題唐侍儀雙鯉軒

唐生昔侍雙親時當庭日舞如花枝嚴親去世慈  
母在孝養足慰無窮悲唐生今年三十幾慈母高  
堂尚多社養志誰能論八珍作堂暫寄名隻鯉隻  
鯉隻鯉白且鮮日須二斗新銅錢寧勞妾婦水中

覓不學王生冰上眠人生有親殊可樂親饌有魚  
尤不惡娛樂從茲到白頭聲名况是登黃閣我生  
我生纏百憂庭幃風木悲清秋爲君拔筆賦雙鯉  
每一讀時清涕流

題孫典伏可居軒

五宗孫子雲鶴仙荷衣蕙帶神飄然朝吟屈子遠  
遊賦夜誦莊生秋水篇五湖風月窮清賞青雀爲  
廬桂爲舫二女祠前聽鳳簫小孤舟北聲漁榜歸  
來匹馬逐嫖姚環珮鏗鏘近九霄承恩日侍金鑾  
殿卜築還依朱雀橋橋頭流水清如玉楊柳青青

映書屋照座雖無鄂渚花當庭亦種沅湘竹沅湘  
竹色報春遲文王踈踈只數枝客去每憑詩作伴  
朝回偏與靜相宜卜築不雕亦不畫廳事門前僅  
旋馬高題漢篆名可居君作其中可居者人生出  
處本無端坎止流行信可安君不見長安甲第連  
雲起羸得人間圖畫裏

題荆徵士茂之藏楊補之梅花圖

老荆好梅如好色嘉樹寧論萬金直屢乘泛雪王  
子舟長躡登山謝公屐萬壑千林秋葉乾飛鴻墮  
影報新寒塞北偏令百草折江南還得一花看此

孫西老集  
卷之四  
花省處真奇絕豹脚蛇鱗綴香雪楚女輕盈練素  
裙湘娥冷淡蘸脂血破寒疎瘦未宜人照波臨水  
韵如真却月現前新態度凌風臺下舊精神梅花  
萬樹先春發老荆此時情欲絕爛醉寧辭水部狂  
清吟擬補離騷缺歸來白髮老京華無復孤山興  
趣佳凍葢枯枝誰更羨夭桃郁李世爭誇畫圖忽  
覩陽和面老荆手段却輕旋彷彿瑤池月下逢依  
稀庾嶺雲中見無情有恨獨遲遲世外丰容只自  
知黃閣由來皆貴眼楊郎老去負明時開圖見花  
被花惱有圖有花圖亦好月落參橫柰爾何江空  
歲晏令人老老荆老荆吾所憐九還詮訣會當傳  
芙蓉寶鼎丹砂熟去作羅浮峯頂仙

題蘇明遠畫竹圖

蘇郎畫竹如寫帖珊瑚爲枝篆籀葉寒梢不及三  
尺長遠勢直與青冥接青冥不辨西與東雲光竹  
色俱空濛飛廉排山振鸞鷲霹靂迸火驚蛇龍奇  
搜不獨竹色老竹旁有石仍更好想其落筆當酒  
酣人間屏幃愁絕倒近時吳興趙子昂最能寫竹  
窮青蒼蘇郎晚出繼芳躅湖海二妙相輝光十年  
不到瀟湘浦環珮空懷玉簫女相期共泛書畫船

濃墨淒迷掃烟雨

題楊肇初墨菊圖

蘇郎墨菊真有香老墨落紙生秋霜宛然着我三  
徑底日與野老同徜徉生平愛畫仍愛菊令人見  
此二美足猶疑已是重陽過寒花落葉心簇簇憶  
昨蘇郎畫菊時君家數本方離披誰云清致不兼  
得更對濁酒開東籬明朝酒醒賓客去君獨沉吟  
空繞樹還看君家墨菊圖君家此樂陶家無

題袁清溪所藏雪夜泛舟圖

錢顥畫山工畫雪山下寒江更奇絕萬壑千林鳥  
倦飛蒼松古栢凍欲折清人何日縱冶遊銀濤渺  
渺着孤舟黃嬰碧杓置篷底定是山陰王子猷故  
人高居剡溪曲窄窄柴門鎖黃竹遙憐孤鶴怨空  
山塵榻無人伴幽獨披簑童頭縮蝟毛龍鱗冰片  
難容篙凌競歷覽有何好博得老眼如饒福衝寒  
乘興莫匆促回船攏岸也不俗故人開軒掃茅屋  
問字床頭抗酒壺留連坐到東方旭

題廉徵士夢雪舟

廉生心性如野鷗前身恐是王子猷城居十載困  
炎熱夜夢泛雪乘扁舟扁舟一葉凌寒水更着壺

孫西齋集 卷之四 三十一  
觴筍蓬底鼓柁疑過柳港邊乘潮似出沙洲嘴月  
華雪色冰玉同粼粼萬頃涵晴空明月上樓元氣  
白皓彩直與銀河通故人山陰無茅屋何處重尋  
剡溪曲惟應赤壁鳴臯仙夜半橫江慰幽獨

題陳隱君菊莊卷後

隱君種豆南山陲清晨荷鋤薄暮歸餘閑更學樹  
叢菊茅屋前頭花作圍此花不比桃與李萬木凋  
零方吐蕊耀日黃金淺淺紅凌霜白玉深深紫孤  
芳似與九九期落英不落長滋枝嫣然羞作兒女  
艷高潔獨抱幽人姿此時隱君徐步徠晨光熹微

風獵獵晚圃寒花語斷垂東籬冷露留殘蝶洛陽  
金谷盛繁華江渚芙蓉照館娃歌臺舞榭豈不好  
淡烟芳草令人嗟歲華將暮衡門裏寄傲羲皇時  
隱几見月開籠放白鷗穿林採藥尋黃綺平生嗜  
酒仍嗜書詩比淵明差未如還開三徑望儔侶亦  
有五柳臨庭除素琴撫絃惟袖手葛巾且漉柴桑  
酒莫勞更賦歸去來惹得聲名滿人口

題唐仙方伎圖

布政徐  
大所藏

九重春色浮金輦柳躡雕簷書陰轉閣門無事簡  
書稀朝下三郎幸南苑伏底微風拂赭黃熏爐別

殿送天香昭容婉孌翠娥黛內史委蛇宮錦囊飄  
飄野老來何許賜坐從容陪讌語卦氣初生石鼎  
丹清風自是蓬壺侶奚童忽啓文書箱白驪隨地  
走如羊金華不識紫烟客那得化石初平方驪山  
未起朝元閣誰遣御前方伎作招邀青鳥天際來  
勾引霓裳月中落漁陽鉄騎戟塵生雲棧榮紆路  
不平此時安得仙翁術化作潼關百萬兵

題桃源圖

我昔城居困塵土十年不到青山塢扁舟夜夢泛  
滄浪鼓柁揚舲逐漁父江船沿洄落日低尋源直

上武陵溪逶迤綠水春將晚爛熳桃花路欲迷尋  
源忽得青山口彷彿微香露林藪溪流已盡復潛  
通石洞斜穿不知乂地廓川平景曠然還疑別是  
一重天迢遙山逕莓苔兩縹緲人間桑柘烟遙觀  
但見攢林木近入茆茨始成簇居人不改故衣冠  
井裏猶存舊風俗風俗依依世上人皆言來此避  
強秦初期暫隱還鄉邑遂爾高居隔世塵兒孫長  
大供衣食男事耕耘女蠶績春至桑麻雨露深歲  
寒松柏星霜易東臯北隴恣鉏犁戴勝飛飛布谷  
啼傍舍雨晴雲外牧餉田日晏草中歸歸來路暗

山光滅婦女綠車聲未歇解艫仍教稚子撐漁罾  
更喚溪童結往來墟落只逍遙無復舟師下斗囂  
社日冬旬會村曲黃雞白酒話漁樵漁樵不識人  
間世兩笠烟簑但容裔澗水冰融覺候和庭柯葉  
落知風厲問我何爲作此來仙凡迥隔兩悠哉園  
裏青蔬爲君摘瓦盆薄酒爲君開東鄰西舍爭來  
聚相邀具酒猶炊黍旋除新竹敞南軒更掃落花  
開別墅初聞羸氏好紛奢不謂山河屬漢家金雀  
重來飛灌木銅駝還去卧烟沙銅駝金雀何時已  
年代不知今半是世上紛紛日漸過山中歲月誰

能紀棹開酒醒悵遽遽却向山家對畫圖物外烟  
霞猶彷彿空中樓閣已模糊模糊彷彿何由辨只  
似當時眼中見鶴唳松梢露氣消雞鳴樹杪晨光  
炫臨風撫卷獨踟躕欲寄桃源父老書澗戶岩扉  
應未合筆牀茶竈近何如桃源桃源莫浪誇未必  
山林穢城郭車書四海今混同來享人間太平樂



孫西菴集

卷之四

世

